

東州集

十二

卷十二

~16
2427
12



和
2427
12-12



東州先生文集卷之九

慶士李公墓銘 并序



甲戌春李徵君至京師泣謂余銘其父慶士公墓其
 言曰不肖以甲午歲違大戚越三十三年始克與先
 妣合葬今又九寒食矣重思世彌遠丘壠益不脩德
 誼益不傳謹堅石表壙敢以請銘其陰者嗟哉處士
 之行不遠鄰固也先人未嘗出而仕時又不肖曷季
 俱蒙昧誠無所傳述記載以藉手君子鑒懿德至行
 不容遂闇沒潛翳以重不肖罪戾粗有一二先人切
 爲白氏姑鞠養及迺服喪致孝無間天屬屬况樹祭

別鄉歲必躬奠一日不克往輒得異夢徵之果驗這
外艱上奠不時日夜號顙又夢神誘吉地就以葬其
精感如此姊壻朴生弱先人遇之非道奪攘資財至
藏獲尤多先人一推與不以色辭陰有武人在理構
訟發言不可聞先人愈善視之周其困乏曰吾知恤
鄉里故舊而已其人大慚服豐原柳相公每稱舉以
爲難及而家旣饒其爲喜施益甚不問費出幾許待
以舉火者咸曰生死肉骨云柳相國以婦兄之好雅
相敬重將薦于朝先人不肯起乃已笑其終名不能
出境壽僅五十以切嗚呼痛哉微君天曰吾母豐山

柳氏後先人一年生先先人一年卒閨閣之脩焉所
彰者迺清和祥順獨性天至其接遇人一於莊敬御
婢使未嘗加以聲色或有不得分願怨詈天日者必
曰上天可畏起居便旋必避三光恒若臨對上下雖
盛暑敵熵不肯袒露箕屐自中門外不聞笑語音卽
平生如一日甚愛子女而不廢教勤勤以嘉言懿行
提誨不勸嗟乎不肖何敢忘敏求曰夫士脩身童道
藏器時晦無所待於當世而質仁敦義富而好行其
德豈不難哉孺人習於美教歸逢君子與之合德克
叶於文史之範俱可傳也處士諱潤字仁雙隰州

望姓考元忠 贈通政大夫工曹參議祖迨通訓大
夫司道寺副正配柳氏 贈領議政豐山府院君仲
郢之女舉四男二女男曰焯燦烟煥燦卽徵士君也
葬在龍宮縣治青山里震向之原内外系牒子姓詳
具左刻銘曰
是惟慶士暨配柳氏雙壁所藏勿夷勿毀

別坐許公墓碣銘并序

吾榜號多君子至長厚篤義咸以推許君長生許君
素寬父長者而內悽潔不苟獨命窮不偶遭時政昏
與金孝誠等抗疏言 母后不當廢請罪倡邪議者

坐是落拓君亦無意於世矣逮癸亥反正識者交口
敬薦拜 光陵叅奉茂辰改水庫別提君已得風疾
不任職積十八年乙酉二月竟卒嗚呼其窮矣君樂
善豈弟口絕擇言奉母金致其孝於朋友義以信措
事接物一誠無矯傷雖遇疾沈篤未嘗一日不整飭
冠裾臨歿戒婦女無近我且無厚葬我素所養如是
君字壽伯陽川人大司憲諱應為七世祖敦寧府僉
正諱衍軍資監奉事諱安蕃典艦司別提諱謨卽曾
王以下三代也君累葉卑傳至君四歲而孤再聘安
氏金氏卒無後取族子回續其祀其窆乃至死益甚

悲夫葬在廣州廣津之南岸去水一里銘曰
不足於人者或裕於已不得於生者或贏於死行義
與善宜受以祉而以病廢而卒無子倘所謂天道果
安在是也邪

刑曹參議趙公墓碣銘

並序○己丑以後

刑曹參議趙公景禎字綬之長余十年己卯生自余
幼時喜從長者游所徵逐率多肩隨以上而獨趙公
為至深一日在酒所顧謂余同席十餘人俱當煩君
諛墓蓋戲余最少也後公竟以戊子歲不起疾卜葬
坡平條里洞負壬之原既卒事其家人屬余碣銘且

曰公所治命噫平昔婉孌之言益使人悲也公資倜
儻軒昂少好賓客所與交無非一時名勝老而真喜
容益甚不倦與相為娛樂性不甚喜飲而與酒人同
其醒醉無戢至豪舉要人臭味殊別者雖在門不省
也以是得簡倨聲而於朋友之困阨喪故利不利時
獨違來經護專務氣義殷勤甚備衆咸愛慕焉始公
母成夫人盡孝夫人既大耋公約洪張兩相國以下
侍壽毋者十數公春秋宴會稱觴上壽都人皆聚觀
事至 上聞 上特賜溫綿宮醞以侈之公由丙午

上舍生蔭補義禁府都事例陞主簿司憲府監察戶
曹佐卽宰陽城縣忤權貴罷己未釋褐授刑曹卽出
佐海西幕光海幽 母后西宮嚴守衛警非常鳴柝
徹曉公以分司直騎省夜起泣曰為人臣子非所忍
聞遂卧家不出癸亥 反正後內叙則刑戶曹正卽
漢城府庶尹宗親府典籤軍器掌樂軍資宗簿寺正
成均館典籍司藝通禮院相禮通禮陪京則開城府
都事經歷外除則林川瑞山郡守最後用太常滿考
加通政階僉知中樞府工刑曹參議拜延安府使定
州牧使昏病不起壬午牧驪州聞北使且至歎曰詛

豈以白首汨沒塵埃中投綬而歸乙酉子舒川郡年
益大意倦簿領越三年謝病免吏民奔走乞留方伯
迫於衆情踰四朔始以逆 聞公素骯髒不肯爲軟
熟態色不樂造請諸公間故偃蹇進取所踐歷官府
亦多矣然數得而數躓有不如意亦自輕其去就未
嘗久於職終以不大顯嗚呼命矣平壤趙氏在勝國
時貞肅公仁規位門下侍中四世文忠公浚佐我
太祖開國封平陽伯再傳而生展戶副尉綱無后取
其兄 贈左贊成紀之子元孝爲嗣是爲 贈左通
禮又無後取其兄別坐元禮之子諱珰爲嗣是爲

贈左承旨中樞經歷卽公考也公娶副提學宋公應
洵女早夭繼室以 贈領議政左叅贊李公準女有
女士行亦先公物生一子不育末年乃以世侄嗣後
其先世屢絕屢續豈亦天也公初取族孫醒繼祿與
李夫人昆弟子德周俱鞠養猶已出至是醒德周服
衰以報罔極且來請銘銘曰

趙發西京旣洪其源或絕或續不匱有人公承厥緒
有位有年位貳臬司年登致政維舛於時執尸厥柄
遭逢者命不繫淑愚奚辜于天亟奪呱呱豈無同宗
于祖爲孫彼苑之麓祀事以綿刻石樹壙以慰下泉

安陰縣監鄭君墓碣銘

并序

余間嘗習安陰宰鄭君鄭君恂恂退讓君子資慎密
有防處家事親孝旣喪廬墓盡制友于兄弟旌於鄉
黨鄉黨稱之疎財重氣義以婦家韓氏有偏予歎指
後當析產燒其卷不省值壬辰倭變鄭君泣謂鄉長
老 輿駕播越國不亡如綫卽擁婦于媵衣食不
齊問牧圉義分則何菰粟米浮海數千里達于 行
在 特授六品職旣而南還鄉人舉委留府事事以
辦釐賊平拜司憲府監察戶曹佐卽內資寺注簿最
後監連川安陰二縣邑治務舉民以爲便已竟老于

其鄉七十七考終夫士居平施眉目譚義理自以盡
倫至當板蕩無不鳥獸竄伏唯鄭君起下土赴義如
渴能表見奇節立朝有聞鄭君名思竑慶州人家順
天有禮曹叅議孝終曰甲先曰曾曰判官承復再舉
武科有聲其四世也配韓氏監役壽億之女領議政
效元之曾孫名家懿德偕壽同藏二子曰禧庠生曰
懷上舍生皆早夭四女適忠義趙基蕃監役李耆英
判官李遇臣庠生金保咸有產育鄭君二子皆無嗣
皆有賢室冢婦金英振女既稱未亡人矢不獨生絕
粒死以殉事聞旋聞李婦權克亮女子然銜恤自力

持家已遷厝鄭君松峴伐石表封焉余文圖示永達
嗚呼賢哉銘曰

盡視其閭有揭旋楔盡視其藏有穹樹碣噫噫鄭君
無子有婦惟克孝忠尚類其有

密陽府使李公墓碣銘 並序

李公惟達字兼善與余同壬子科雅相慕嚮至驩也
嘗爲密陽府使有朴獻納漢柱者本密人事 成廟
著直聲枉死焚山朝公旣下車於書請余文表厥里
閉以激勵頽俗蓋其意謬謂余可托以不朽余甚愧
其厚文成未入石公以翌年崇禎乙亥病沒壽屋五

十七余至今悲之其孤禪袖杖來謁余墓刻之辭曰
舍是無以不朽我先人且先生所以覆露其遺胤亦
庶幾在是噫殆公志也夫公至性端慤易親而難狎
平居未嘗大聲色退然若不任冠衣遇事自將能不
失其正於朋儕游處久而益莊未嘗肯嫺飾求合內
行修飭奉繼母黃氏盡其誠至白首如一日得一味
必歸以獻未嘗不先意承歡黃氏安之嘗祭備物致
敬躬蒞剝烹未嘗不腆以潔也與族兄惟宗同室居
十年通服食有無婢僕未嘗有間言當官廉白謹勤
不取名譽居外郡輒有功績可紀屢蒙 褒嘉旣去

未嘗不見思公少治詞賦魁發解丙午外上庠旣擢
爲選丞六院正字歷侍講院說書承政院注書回事
忤權壬調海陵縣監入爲司憲府監察兵曹佐卽癸
亥初服充御史宣諭湖省其後立朝十三年諸曹則
禮兵正卽前儒則直講司藝各司則濟用禮賓軍資
軍器宗簿司稟寺正春坊則司書文學弼善憲職則
持平掌令執義兼官則知製 教春秋館記注官外
除則京畿都事光州牧使密陽府使是公踐履始
成宗康靖六王有支子諱愷爵完原君謚昭悼公傳
伊城君諱壽剛義原君諱億莘興守諱夢尹至忠義

衛諱璨姬密陽朴氏司議效元之女是爲公考妣公
配淑夫人鎮川宋氏在室有家能敬且和先公月日
卒有男一人曰禪文二人適觀察使尹鳴殷士人金
慶曾公蘊藉紀篤內藏器不以銜外爲矯厲行年與
位不克滿其德識者疑焉唯禪斤斤世其家且有子
性不匱端亦謂天道其在是耶銘曰

質則近俚或文而肆惟隨與放弊一于二溫溫恭人
不矜不盈出言若訥操約居貞始奮孤身漸厥矩武
儀于朝署有翮其羽有樹其悖歷敷終譽胡不載茂
而止大夫彼畢之丘有揭斯石我銘我辭式表寃宥

龍宮縣監李公墓碣銘

李君

李君榮基於余爲中表隱處太白之南爲其先大夫
龍宮公墓門之刻走千里徵余又此孝子志也顧龍
宮公棄諸孤距今五十七年以久事遠罕紀思無以
發揚焉惟國制令甲入仕路甚廣獨太學公薦最高
選必取學優行偉屢舉稱屈者以應上求旣預仕獨
司憲府監察最高遷由是而出典百里久於其職爲
允難龍宮公少善屬文兼精楷法謂號夕發朝而偃
蹇卒不第用太學薦拜 厚陵參奉轉監察調龍宮
縣監滿五歲免歸蓋公之得於人者如此唯天不容

傷不見其人見其子孫士之取騰仕顯赫當世而身
既死嗣續零替丘墓陵夷者何限龍宮公凡再娶元
配廣陵安氏舉三女長適金友良生子有容有史之
適金惇次適左通禮辛成已生子安東判官璟全羅
左水使孺及李旻李忠先柳興道朴晟妻繼配黃氏
舉二男二女男長昌基生子時茂時華時奎及鄭好
禮閔成源妻次卽榮基生子時謙時咸時仁時晉時
復及金薰金啓光妻女長適黃岵生震亨履亨次適
洪壽河生一連自逸內外曾玄繁育七世盛春秋歲事
香火無廢且營壽石於五十七年之後八圖不朽公

之得於天者又如此斯可銘也始 太宗大王有支
子曰謹寧君禮其後世牛山君踵韓山正挺信陽守
淮司圃別提敏實於公爲四世公諱成立字卓爾生
嘉靖戊子卒萬曆甲午葬豐壤先塋背其之原 謹
賈氏附銘曰
彼人赫赫封墓卒荒有子棄基丘壠何望維豐有麓
維碣有詩大夫之藏孝子之爲誰無父母曷其有極
允爾賢愚咸睹斯石

忠清道觀察使尹公墓碣銘 并序

始敏求未成童省親濟關四路絲黃州州牧尹公先

執也撫之甚厚時雖少尚銘鏤在心後十年辛亥更
公于寢今又四十年迺為文表公墓道則向時鬢髮
已颯然老矣俯仰人世身得不悲謹按公諱敬立字
存中鼻祖辛達起家佐麗祖開業至鈴平伯璿平戎
拓境功載史牒十四傳敦寧都正諱之崇卒 贈左
承旨是為公高祖生諱廷霖利城縣監 贈史曹參
判生諱希廉慶山縣令 贈史曹判書考諱國馨受
知 宣廟位工曹判書妣趙氏平壤伯汝之後經歷
秀女嘉靖辛酉生公厚儻偉嶷然有局度判書公
既一代鉅人為朝廷德自觀公者咸知源流所自舉

乙酉進士戊子文科調承文院轉藝文檢閱時島寇
充斥判書公按節湖西太母貞夫人在嶺南公上章
乞往迎侍艱難隔閔浮海返 行在選為弘文館正
字承 命檢緝沿江防守仍衣繡督餉餉接濟天兵
屬板蕩悉材用不拘階級撫軍司以軍興辦治聞
特陞公副修撰遷吏部郎兼春坊司書知製 教國
家重軍政設局訓練公佐其治授以威大將軍兵法
上親閱視成效又 特陞公成均館司藝卽乙未歲
也厥後三年為校理應教兼弼善輔德歷議政府舍
人司憲府執義司諫院司諫隨使白汝相體府西

東坡集 文獻通考 十一
丞相再蒞南服戊戌由副應教起授同副承旨中朝
都御使經理楊公請 二輟近臣管兩湖芻糧遂
命公往釐蕪察理使尋拜忠清道觀察使判書公位
益崇德望益尊議者以公當為家國重繼世如扶陽
父子矣自是十三年出牧清廣二州未幾免唯於黃
州秩滿政成度田均役不饒猾民 上罷以縑帛入
為判夫事者拜庭無滯訟移兵曹參議痛除關節掃
軌屨一跡判書公屢被當路測日久鬱興望而公方
凜凜嚮用識者又謂公晉秉魁軸發萬石君厚積餘
贏度幾牧丘侯乎公體氣素彊無病辛亥五月忽感

疾委篤唯復語慙無以告父母遂歿卽其意甚悲傷
呼始朝野期待公謂何而卒不一讐仕不過上大夫
得壽屋免稱天重貽父母戚于天道何如也公敦重
朴忠智懷坦夷未嘗設畦畛飾邊幅為矜銜立名聲
率情直行不蘄苟合公退杜門削私款命酒自遣於
勢利漠然至論事是非分別邪正又確乎難犯其在
方鎮勤謹奉公律已清嚴既去必見思蓋公仁心為
實推以達之從政在家共子職敬養具備父母以為
孝遇弟妹篤愛盡倫疾病躬自煮藥下逮僮使無不
得其歡鄉黨內外終始無間言揆義制行舉合于義

則而歿慶之報乃舛施如此豈公之天有未之歟公
配廣陵李氏澹叟先生廵慶之孫 贈廣川君好約
其考也柔婉得婦道媚于尊嫜先公卒十七年而附
二子監察仁啓學生世徵三文適判府事金蓋國承
旨任孝達參奉李孝一諸孫六十餘人蓋尹氏之祚
未艾也遂書長老之所稱述惋惜者勒諸壽石以俟
天史墓在揚州長興里西庑之原銘曰

五色當朝底節不懈右內史之司直也入而承顏怡
愉澆濯即中令之盡職也有需不契有裡不獲報以
世德世德伊何了然其良既繁既昌維封豎碣式彼

行路嗚呼觀察使尹公之墓

進士權公墓碣銘并序

夫士董道脩業策名以提躬得時則駕而已矣其不
得時退而行義言足以信其鄰行足以善其俗亦唯
曰士哉士哉吾榜進士權君熒字子與權氏自受姓
麗初代有簪纓祖諱有年掌樂院主簿考諱子文通
禮院通禮妣羅州朴氏其先嘗相 英陵有名君以
隆慶戊辰生少力學治舉子業萬曆己酉始升上舍
已倦於進取仍連遭巨創遂不復赴試君雅性純實
不事矯厲孝於父母存沒盡其職富祭飭厨視具必

東坡集卷之九
十一
親時節展墓至老不怠曰人苟放心於此他善何觀
篤於友梯視猶一體及當析產務約之以厚弟姪嘗
謂弟黜同產惟二人何忍分異別居張公藝何人哉
朝起必執外舍相對其樂融洽四十年一日也食味
必分動止必偕每鄉飲酒或有故已獨往則顧望懷
思意不在酒同席為悵筵場任早孤無歸育養以嫁
親戚之貧者出僮指以代并曰君既任真樂善豈弟
容衆人皆愛慕忻忻曰某甫長者聞人過失必曰其
人不宜有是隨方箴警許其錫改或有非理相干必
和顏開導卒歸之天以是一人自無怨同郡人有附

詩議犯名善為士類所棄獨君規戒所切其人而
赤愧謝絕美去慕安時處順至裘褐羹糲無所役志
丁逮僕隸亦不加譴責曰奴僕義合宜以善遇常舉
陶靖節此亦人子之語告其子弟屬 國家多故每
鄉人糾義赴難必舉君尸其事伊山書院實南士都
會又以君為長愚伏桐溪兩鄭公俱器待不淺愚伏
公時掌銓婁薦君無所成竟以庚辰春布衣考終君
長余二十一歲始同年相識後為官嶺南益與君相
習君蓋純嘿君子退然若不設畦畛而臨事制義能
卓立不抗其可敬也嗚呼自道敝撲散日鷲手偽巧

東坡集卷之九 文苑類 十四
凋飾營便驅世熾趨若陳仲弓王彥方豈不足當世
哉顧遇合隨時不在此而在彼其行著于一鄉道概
乎先進今古何限乎困於汙泥名隱沒而不稱悲夫
唯君有子至進士世其家不重千里之險求文章以
列墓墟庶幾闡發幽潛亦能子矣銘曰

道合乎時君而不能無愧於一鄉食列乎方丈而不
能無累於膏粱處士家居退讓君子不祿而康而無
愧累或瞻桑梓麻芑芑九厥後孫永紹德聲

近曹參判金公墓碣銘

元亨

史東府支縣曹山有 王氏其先揚震位三曾參判侍

卯文修撰諱義貞掌隸院司議諱農山陰縣監諱大
賢年與位俱不蒲德五吏曹參判諱榮祖字孝仲始
顯聞于世壽七十一考終諱者猶以公末年寢病未
克究厥施不但為金氏惜也山陰公娶宗姓李氏以
萬曆丁丑生公同產九人公序第一內辨志剛早自
樹立鄉大夫鶴峯公使日本回公方總髮造門請曰
先生衛命出疆義動殊俗其專對處變可以師範後
學者願以承教鶴峯公出示海槎錄公長跪讀卒業
音吐容觀甚都鶴峯公謂家人擇婿當得如此即者
卒歸以文辛丑升上舍壬子捷大科初選承文正字

陸典籍時朝政昏亂鄉人有失身附權倖以公守正
嫉邪恨之次骨公歛退十年至癸亥 反正叙禮刑
二曹卽明年始拜立言持平轉掌令修撰自是荐更
二司凡所風議務鎮靜朝著在憲府立勳宰罵坐之
矢不少假勳宰長西銓出公爲北評事公趣裝詣幕
府冒雪寒巡列堡閱視軍械不怠曰吾職耳大臣言
吉州重鎮控扼山戎不宜每屬兜鍪就拜公吉州牧
使其俗羯鞬尚氣力不肯治經生業應貢舉公歎曰
是非吾責耶進邑子授經書獎罰其勤惰上涼涼嚮
學始由科目起代師其人勳亦以領德癸酉除判吏

事副 世子丹封使使大明朝廷改貢路旅順口石
甯壞舟楫行者率懷悻無人邑公談笑理公具在海
遇甚風發作舡上下如栝棹徒衆皆哭公夷筮不改
常度還朝進嘉善大夫漢城府右尹出按關東乙亥
秋罷官南歸翌年開南漢圍逼起赴難路枳不得進
輿駕旣出城將普策扞圍切公拜大司憲陳啓樓樓
有五六之論張設之謨且言錄勳非宜事報聞錄勳
由是遂寢及再長愚臺控辭不拜曰言人心國家元
氣軍國多事賦役繁興而人心離逆節屢萌宗戚誅
夷而人心駭朝論秀貳用舍不公而人心散諸功臣

攘奪各衙門興販利歸私室怨萃公家貪官暴吏剝
 割侵漁謂之能辦事乘時干進逢迎無恥謂之有才
 局元氣已盡百病俱發今日之禍實由於此前後六
 長御史所指陳時政輒為有司所格見施措乖張處
 艱難益甚矣拜大司諫者四副提學兵曹參判者二
 左承旨大司成禮刑曹參判者一嘗論絕金尚憲以
 忘君負國為失情劾南以雄吏曹判書為伐異輒率
 意以言未嘗作特議予奪為左右雖殿世讓諱不恤
 也最後拜亞銓明年壬午坐事免歸一歲感風疾終
 越六年戊子卒官贈禮官舉例加贈賜祭葬豐墓毫

齒坊槐友之厚公性孝友太夫人六十大壽所以娛悅
 意非特甘旨備物之養每時所上壽酒其具甚設不
 使太夫人知其貧與伯氏持平公相師友太夫人勉以義
 誼訓誨諸弟咸成就器業賢科騰仕門之無赫以持
 平公中虛善後居恒蓄酒食以進甚有思慮悉推土
 地賦役賦與弟妹存私財脫度妹慶籍愛恤同氣不
 假矯強遇事必分別莊直不沐浮議 宣廟末相臣
 顯國相鄭仁弼挾其讖言謀動儲宮以之問徵後利
 宜廟震怒寬仁弼遠惡地南士墮仁弼計將伏闕申
 救獨公獨其好後書諭止之南士始歸諂酒及仁

亦敢南士乃大眼申羅潤濁高誦林泉爲士論造
說結 主知當官盡節不詭隨不沮撻常曰官無內
外職無大小不在其位則已在其位而不恪共官才
是優君也患朝紳立黨相傾效歎曰君守常公好惡
之是非上不負君下不愧心何敢爲得失所動用此
是事由是問多不悅者亦不以介意爲之雅與不欲
天福深自名焚至論國家大事條暢明白有味其言
之也前夫人聞韶金氏卽鶴峯公誠一之女生男處
生時異暨役時敏別生時悅女適縣監徐準履後夫
人安也權氏忠之公撮之曾孫生男於梯二女適盧

世謙安穩內外子孫蕃昌

金氏十望成祖於澤公齊世山迺其真汝於黃二處
休有華問朝夕堂閣率職思思長倫史旣貳天官
王曰汝諾克祀克單乃言侃侃准予相服夷塗裝罪
何進不極退安丘困災疾以隨速駕中稅豈命豈時
丑羨之鄉墓熾之穴生居死藏靈氣不歇於墓其京
碑餘後昆以以報前賢斯言

坡州公使李公墓碣銘

于君公益守士先系出 恭靖大王子德泉君厚生
立傳至曾祖諱億孫在黃海道靈察使祖諱惟貞刑

曹佐郎考諱準遺一 穆陵策勳封全城君卒 贈
領議政此編出宋氏節度使重器女君生莫穎特秀
幼在家爲父母所愛及長出游齊流咸慕信向聞
悟業易接物不傷性又通曉世務觸事無滯礙朝廷
以君公卿子有材再補官 任憲不即起旋拜歸厚
別提陞教亭主簿再 曹佐郎司恩府監察刑曹佐
郎出知鎮安縣爲政務清平不苛甚有恩惠故蒲父
老走方伯借留君七年乃歸歸則民又相率登碑以
紀德後避兵曩南其人蹤跡所往致訊遺書勸家戶
曹五郎考 親府籤連爲安城 仁川二邑未及負

以事免二邑思之猶鎮安民焚君始拜井邑縣蓋景
後除坡州牧使爲當路所嚙謝病不赴用是在州縣
職未滿九載成績爲一路最內試諸曹所歷稱治識
者每惜其未究用以歸之世道云君與余同治筆研
又同進士在場屋必先余搦管鳴毫颯颯滿紙觀者
歎其敏焚亦以是不利旣全城公棄諸孤君泣曰二
親不我待今而無與爲悅遂不復赴舉君時未四十
矣君與仲君邦益先後余一歲生俱有酒德少相與
鼎坐舉白以爲歡然余善病時廢杯勺君與仲君素
強健喜劇飲不能無傷損致疾仲君以己卯歲君以

已丑歲竟卒君得壽屋六十二痛哉葬積城縣紺嶽
南麓全城公兆次配高靈申氏祔申氏故相叔舟之
後縣監守淇方舉三男德宇德素德初三女適進士
朴穰姜徽竹林長儒內外咸有子姓不置銘曰
疇奪之嗣不賜而賜得之人者胡薄也疇閱之壽人
胡以苟得之三者胡謬也惟世德不爽受報必享得
之子孫者將不可量也

戶曹正印樂齋徐公墓碣銘

并序

嶺南卽新羅嘗封自前漢時已稱爲君子之國其人
意禮讓雖與焉北其子弟習詩書相從問學蓋其俗

風氣然也其作而名世華華爲吾道與師自國家尊
尚之至矣近世有大丘樂齋徐公亦藏修善道之士
也達城徐氏在勝國時代不乏衣冠至公曾祖諱弼
祖諱應期考訓導公諱洽三世不顯耀公諱思遠字
行甫以嘉靖庚戌生生七歲伯父進士公淵取以爲
子其配李素性嚴公雖幼已能順適其意及長事親
孝色養無違沒而廬墓哀慕終身晨興必謁廟出就
書室危坐竟日夕男女僕御內外斬斬事諸父處兄
弟與鄉黨交俱盡其倫理不待強而至焉始以親命
治聲律爲文嘗發解第一非其好也旣所後父母喪

遂不復赴舉每讀聖賢書慨然求道聞寒岡鄭公早
游退溪先生之門學有淵源乃專意就正以爲聖賢
之道不在高遠願吾力行何如故勉勉以知行自勵
整飭衣冠對越方冊常若親承謦誨嘗謂欲學孔孟
當以程朱爲準的最喜朱書及退溪文集曰讀其書
不知其人可乎朱夫子實孔孟後一人而退溪先生
又吾東方朱夫子也恨不及摠衣函丈獲聞其緒餘
乃與同志道友入青凉山景仰遺蹟彷彿躬奉杖履
周旋於水石間洗滌渣滓浩然而歸也所居伊川在
琴湖下流以盤水清道軸攸且松翠繞屋簷俯唯竹

潔梅芳婆娑卒歲樂以圖書仙槎嘗齋經燭于兵公
重加營葺取紫陽舊制以敬義玩樂名其齋宇裒集
先儒格言作精舍學規開講之初舉以警學徒論難
理趣提掇不怠曰志不了一日惰心不可一日放君
子莊敬日強安肆日偷此兩句尤當體認暇則從一
二門生輕舟泛湖嘯詠風月時泗水有寒岡公一善
有旅軒張公與公鼎峙而居從遊之士咸往來考覈
而播紳之東西行及吏于南服者皆禮於其廬始朝
廷聞公名就拜監役察訪一出拜命卽還萬曆乙
未以選授清安縣監屬國被寇多難屈志強起爲政

務安輯流連而首先治聖廟春秋俎豆如禮至城隍
厲壇官事百爲莫不具脩月日就學舍自爲講解句
讀兼肄詞執傍近翹秀競來執業彬彬質有其文戊
戌罷官路梗不得歸築土室西原山中讀書自樂其
徒又相率就學邑人刻石追思旣而返故居雅尚愈
確連有開寧玉果燕岐之命且以戶曹正印翊衛
司禦易學校正徵皆不應乙卯夏四月卒葬河濱
縣巴山之麓公娶竹山朴氏故相元亨之後生男恒
武舉純渡僉使庶出口懼嶺南自退溪先生沒爲士
者類能記其大小若公旣以不及門爲恨蓋其聞風

而淑艾者非邪苟欲評其所造詣淺深則汰矣然其
好古知方脫乎流俗處而善其身以及其鄉黨矜式
乎末學亦不可誣也去大賢益遠流風益寢波頹茅
塞世入長夜得見有恒者蓋從古所難使來者有志
斯文公其流沂其源振作乎百代之下則扶植衛導
之功又何可量也遂爲銘曰

鷄鳴而起非所利而孜孜聖人之徒猗隱處求志而
不奪乎外驚內足以自娛猗書腴道膏無慕乎肉梁
猗旣順旣安終考其貞猗使門人援古而易名蓋亦
曰文康先生猗

睦進士墓碣銘并序

自古賢人君子底節厲行久孤於世而履執守正卓
不詭於道如徐孺子隱居求志非其力不食徐仲車
絕意當世以節孝著聞豈不皦皦鮮倫哉近世有睦
君樂善殆庶幾其人焉睦君仕族也祖詹卒官吏曹
參判父守欽義禁府都事諸父三人俱由文科取顯
仕有聲獨君性恬穆簡靜不慕進取萬曆庚戌成進
士未幾見彙倫黜敗太學生亦禍福請廢 母后遂
塞門自守不肯詣有司求舉逮 先王反正投馭遺
佚用君為社稷署參奉不就所親以親老勸其出嘿

不膺朝廷知君有微志不復徵俾遂其高豈亦出於
伯夷之流也歟蓋玄軒先生世稱高蹈肥貞於君為
曾祖而外祖李公至男世以孝誼旋聞其子承旨基
高行高潔清君之得於家庭者有自云君旣偃蹇於
世不服田力穡無以供事育就金浦田廬耕稼以資
生束脩猶介纖毫不以干人致物之養一取足於畝
畝平生不發私書向人求假而凡於慎終追遠之具
必愜意乃已幼孤奉母夫人盡其孝事伯兄正言公
如嚴父及其疾劇躬調藥膳不離側旣喪哀戚過常
倫至戊辰母夫人屬續君索佩刀不得齧指血以進

既奉諱迫不欲自今哭擗震雪中須髮皆冰勺水不
入口者四日衰經不去身號泣不絕聲者終三年晨
昏上冢雖甚雨不輟瑩域四周爲之成蹊君用傷指
失血臂疼久苦夢世夫人撫膺謂曰汝今愈矣既寤
果然君素善六韜至是羸毀益甚溢米薄粥綿悞不可
保諸父爲涕泣諭令食益嗚咽不能下盜諸父又不
忍強勸口如是而勝喪命也不勝喪亦命也以先夫
人嗜柿終身不食柿君有高世之行絕人之資而藏
光匿耀唯恐知名及人所居青坡者去及墓下鄉鄰
稔君行誼將引于朝君力止不果上言衣宰金浦者

咸願覲而曰是肯兄我乎商度乃進其風裁高邈不
可以親踈如此君簡薄世故與人無還往唯時時過
諸父終日寡聚一座竦敬讀書窮理專務自得行已
揆義凜乎不可犯或當喪祭變禮引喻諸說參以己
意聞者服其精當預處事是非後當如何果竟懸合
以心虛無物故笑也少時婦翁吉川公任觀察使遣
駟騎迎君至中途覺其爲官馬徒步而歸家養鷄狗
俟稍長必別其子毋使毋亂事雖微細精謹至到君
晚生偏私獨古人心混并於濁穢之區超軼乎埃壘
之表耿然孤舉不見玷翳善闕者無以盡其蘊嗚呼

賢哉其友李敏求雅相慕甚驩旣敏求宦達未嘗通
書問及其南遷君冒雪渡江竟夜欵欵不能別其於
交際又如此君泗川人字誠仲自號壺翁以回歲乙
酉卒娶吉川君謹公貽女生一子林宗二女適奉奉
李海安持平丁彦璧再娶學生自海民女生二女適
檢閱趙嗣基士人朴天章林宗有二子天成天和諸
女并有子姓始正言公歸沒顧謂君丐林宗後我旣
而君生子不育葬在揚州金谷里西坐原初醜權氏
祔銘曰

其謂正邪正則缺其謂鐵邪鐵則折不折不缺惟君

子之節我銘我友征昧者之斯

參奉李公墓碣銘 并序

宣廟初元有相曰思庵朴公享清名重一時無嗣命
外孫李君澤奉其後李君字茂仲上距讓寧大君提
為八代曾祖豐儲主簿諱元賓祖高陽郡守諱韶考
谷山郡守諱希幹生萬曆甲戌幼有才性思庵公令
賦白髮詩有警語公特加意愛及長數音不第嘗一
得為寢食不應命始思庵公退居洞陰縣構拜鶴窩
卒葬其地君守先廬絕意當世唯以思庵公沒不易
名為深恨亟請太常至甲申始舉曠典旣而還舊寓

病三日卒拜鵠高臨終戒其子葬我母遠思庵公庶
幾延香火遂葬一山宜人洪氏附生四男縣監文望
著望德望英望二女適安載閔之針中表孫十五人
咸不失世守李氏之祚蓋未艾也銘曰
德知相國而絕不嗣孝如宰相而奉後事意乎天道
其知有無驚彼洞陰山盤谷紆生依死附祖孫相望
曷不尊敬二公所藏

宗簿寺正全公墓碣銘并序

余必通籍交全公以性性之全公已先余六年丙午
明經決科而與余偕出入為郎諸曹其後再佐藩幕

五出宰郡縣輒從余別戀戀久乃決去其官不師日
相就款洽甚驩也而至儕流有躁競求速化者絕不
復與通蓋自始仕而柄臣相與有連要令出門下普
不肯染跡其素所立趣舍如此當官務潔已利民民
皆愛慕無已觀固城陝川二思碑可知也時議亟欲
置通顯顧公恬漠自將未嘗追逐為名聲卒浮沉中
外以宗簿寺正終往甲子歲余隨張元帥躡賊道海
西相過東陽山城視其額猶平日余益歎其雅度巡
察使檄公走安西督軍餉以贖軍軍以不乏興亂既
定最其功功實歸它人余旁視而笑公獨無言然卒

用其原從勲得 贈承政院都承旨龍宮之全麗代
有竺城君元發爲聞祖簪組相嬪至處士公諱絳寔
生公其歲萬曆茂寶距其卒丙戌爲六十九春秋配
昌原黃氏生四子尚考厚者翼考裕者二女歸丁時
說李基廣嗚呼年運而往故人皆在泉壤獨塊然後
死爲死者銘其墓道此何人哉銘曰
合相處睽相思少相離老相悲旣老旣死旣荒其壤
載詞在石以寓愴恨

承文院判校金公墓碣銘

并序

嗚呼遠在已卯天地容曠北門夜燄火烈建急域巧

鬼險羣指嗚啊靜庵趙先生實首觸機鋒冲庵金先
生始竄絕島終亦併命蓋以名行相次受禍最酷至
今爲後死斐慟冲庵公有曾孫曰判校公聲藪子景
時火叩儻有氣度識者謂大賢之後固宜有人壬辰
兵起其親任幽谷察訪掌六郵調發驛隸忽訛言宵
潰將士咸挺刃肆詈公號籲於馬首哀感卒伍得無
事萬曆乙巳擢第選授翰林注書春坊說書嘗路者
爭欲推轂出門下奇自獻摠鼎軸以其先服齊公與
冲庵公同禍銳意汲引公斥言其陰譎不一造請韓
績男承權壬指使以與公共同業數過公誘以利不

可則偪以凶焰公乃曰寧為盜誓不從君為非義績
男怒絕去後二人俱敗轉成均典籍兵曹佐即拜司
諫院正言司憲府持平時臺官論文樂非禮請五賢
先生祀文廟持正者恃公為助至辛亥父象日益變
出為海美縣鄭公蘊輝遠過聽熾人言微文劾公其
後鄭公坐直言錮海外及歸為仁考初元公就見
鄭公鄭公曰子亦來見我乎公笑曰今公非前日輝
遠吾似局不見鄭公倖人即呼酒劇飲盡歡每謂人
金君非今世之士也蓋公為長者至是益甚朝廷為
便養授瑞山郡守翌年甲子丁內喪去自丙寅六年

翼經司憲府堂令春坊弼善尚衣掌樂濟用司掌司
饗院正承文院判校原州牧使壬申由宗簿寺正守
錦山郡居五歲病免其冬大駕受圖南漢城公感
激傷心疾轉統及知三陟府力不能任郡歸三年壬
午七十四卒以嘗錄從勲贈承政院都承旨卜葬
懷仁縣其坎負乙公質厚氣沉寡言語絕去嫺飾態
色不肯置意劇初若無心別白而內確執守隘利害
無少回撓居家奉太夫人盡其歡太夫人忘貧處宗
族交友咸愛慕忻忻當官待民一飲以和用法如不
得已人無怨者酒戶素洪時從親故樂飲引蒲傾倒

表裡軒豁頹乎其任真也冲庵公既雪寃百餘年墓
道開顯刻公頌家貨鳩工豎石月沙相實文之士林
聚觀 中廟嘗以銀鑄寶帶賜冲庵公及公在朝耆
紳以為榮觀比之文貞笏云公世家西原其地枕江
曰滄丘冲庵公所舊遊其洞曰無怠俱水石勝絕公
築居滄丘構精舍洞中樂與鄉隣父老漁釣嬉娛竟
以是終焉公系出新羅敬順王祖昔稔參奉考益煉
察訪 贈戶曹判書妣南氏籍固城公配文化柳氏
生二男震賢縣監震賢生貞四女適金得臣盧景命
具鳳羽忠之承内外子孫多不盡載銘曰

惟彼凶人戕賢是力惟此哲人天定不忒冲庵未闕
其世則延孰謂拱壁既毀既立有象其賢無隕厥聲
在 王左右奪辨渭正肫肫君子不激不隨迺積自
其受報如期宛彼新阡有杞有梓作為銘詩詒爾孫
子

贈吏曹判書鄭公墓碣銘

并序

故家世族不能無中替然其人必有德有法守非如
嫗媿庶姓沾沾自多俾子孫為可繼而能復始世其
家若東萊鄭公者是已鄭氏自麗代為大族藝文館
待教諱奎生議政府左贊成諱六年號魁人鉅公生

礪山郡守諱休復是爲公考娠南陽洪氏以嘉靖辛亥生公諱灝字清卿質長厚儀觀秀偉稱其爲大家子孫性恬靜無汲汲進取意早廢舉子業不喜紛華不事交游人勸之仕則曰是有命焉退居田野間專內靖自守時命酒獨酌任真取適而已孝友備於家隣里無間言而聲不能越鄉而馳善小楷得吳興家法而不肯以是自名居親喪竟以毀終年五十九葬廣州甕亭山其坎面午媿鎮川宋氏郡守瑗女旣柔旣嘉在姻以莊在十六年始於公舉二子二女良佑工曹佐印良弼刑曹參判女適奉事李成光學生李

汝湛佐印生承旨恭齊二女嫁士人梁頰甲持平蔡聖龜參判生進士華齊奉事生縣監紳雲狂雲二女嫁縣監尹濟蔡天漢學生生四女嫁府使鄭時望金同趙維紀李觀運公有庶出口良承嗟惟公蓄德提躬克紹先懿顧名與位潛翳不揚昧昧沒世倘所謂有命者耶旣斂旣發于子若孫服訓颺聲追孝無窮累贈公資憲大夫吏曹判書以參判公貴也榮階顯列贈秩旣崇又將豎碣于窀穸之陽徵余文以載永休聞公之天蓋至是之矣余故舉世家興廢所自以爲左契銘曰

木生於丘根盤以六冬悴春敷其榮自晦允矣鄭公
歛德膏施以子以孫受報如幾陰村之石穹壤罔敞
刻詩孔昭以覺來世

工曹正郎李公墓碣銘

并序

嶺南自六七十儒先長者之風益以代述則葆光
林泉藏器以守道不數數當世者猶間起有聲近龍
宮人李公燦仲明亦表著於時驪州李氏在麗末太
學士行自號騎牛子風流映士林七傳 贈布尹公
潤壽有隱德余嘗記其牲石以萬曆乙亥生公幼鞠
於世祖姑既亡致毀如通喪清明閭易表裡完粹絕

云塵俗態色矯 欲節行泉感化其仁鄉黨服其義遠
近慕信相戒不爲非待賓客一誠無倦至老不替蓋
王彥方管幼安其人云西厓柳相國於公爲外舅特
加愛重每留語款洽西厓公季子於負重名起家爲
司憲府持平南士以公比擬莫能相軒輊少多病殆
岐黃家言善自將理人以父母妻子有可疾痼瘵必
就公問藥何宜昏夜叩門不以千里爲遠公隨病處
方未嘗不驗及 仁廟違豫國醫奏方率不效卽驛
召起公公大蹶踏又不得已於義分強詣京師時余
提調大醫局甚愧見公朝廷雅欲屈公以職至則除

東坡集卷之九
三十一
翊衛司禦宗簿主簿工曹佐郎旋授軍威縣監數月
病免內局當再議 御藥公亦再赴闕拜工曹正郎
又出爲金山縣未幾又謂病歸家甲午二月考終于
寢臨沒神明不爽如常公居家孝於親友於同氣推
直指以業季弟折土田臧獲畀庶姪遂其生蓋公之
細也公配令人金七 監富倫退陶門人弟司諫
令余同年及第以風節德行名令人習于家叶下終
羨行懿範宜甲於文史先公卒合葬縣南先兆昔余
過公廬蒔菊滿階園場深脩清晤竟晷自不覺吏役
之在身目擊神融實有忘言之契焉今其繼胤長春

以狀徵余文曰將以刻諸墓額乃不辭而爲銘銘曰
自我不見鄙吝則多時月爲久千古奈何完名令終
旣佚以歸啓手與足君子庶幾無遠先域夫藏婦隨
嗣事有人祭以不隳

通禮院左通禮權公墓碣銘

并序

先大夫舉壬午進士特則權公斗文監察臨貢院越
二十年先大夫爲叅議吏曹長銓者亦壬午科叙公
學省官余始童州竊從牖戶窺公年六謹厚長者賓
退敬問先大夫公蹇滯扶先大夫喟歎歎蓋傷之也
後稍進至左通禮屬奉引失步趨遂謁病歸歸十三

年丁巳考終壽七十五公字景仰籍安東世衣冠有
諱欽長興庫令諱誠孫諱譚諱有年掌樂主簿寔爲
公四代公少以才學聞同業者讓登不敢蔭壬申

宣廟試士春塘臺公中丙科初隸校書館轉校檢監
察沓原縣監丙戌由刑曹正郎守清道郡立朝者咸
樂內調覲以通顯仕時論亦有意於公而公以父母
祖父母俱在堂急於致養他不恤也代歸又得古阜
郡意不欲離親游宦辭不赴壬辰守正昌郡海九躡
八路魚爛不全公言黠言東村亦郡境深險可保公
義不肯雉免馳獨堽室樹柵圍土一爲死守許賊

狗嶺東西傳檄責具食迎欵公斬以示衆賊晨壓窟
鬪士多死賊躍入斫公子黠與妾康冀蔽得不死唯
康墜崖死賊獲守宰必生致之以邀軍賞遂繫公以
去公旣久繫諦審賊情密以通官軍作虎口日錄控
原州鎖于樓閣警守稍緩適夜雷雨如沓子黠穴壁
負公出走山谷南歸尋覲安集使金公功檄公共事
癸巳詣 行在拜奉常主簿扈 駕還都移軍資倉
正授醴泉郡守賦田與粟撫尉流饑其後連除珍山
永川錦山則曰專城爲養也而親不待與爲口腹而
供吏役無寧養安田畝訓誨子孫樂與鄉黨舊故治

琴尊以盡餘日足矣壬寅入爲司贍正出守杆城郡
還拜內資正陞左通禮終焉公天賦孝友親在晨起
問煖寒退與弟妹罄其歡祭祀必竭其誠上逮祧墓
宗戚化之率性無巧偽不事嫺飾不設畦町終日恂
恂謹飭羣居而不失處變而不預如落賊抗罵不屈
辦一死以自夫天幸得脫鋒刃自以虎口餘命絕意
進取其謝事而歸惜公者謂公班資已准獨不可少
留時月以取高爵邪公曰吾義當去何可貪榮冒進
約鄉隣九老結社以娛一觴一咏風流可尚性嗜書
家富圖籍手自校讐註釋老而不倦誘掖後生多顯

聞于時所著有南川遺稿葬榮川方峴負坎原淑人
朴氏柎朴氏右議政嘗之後處士海女莊懿有度爲
中表所式二子黻黻俱進士一女適學諭李徽音黻
三子塾壘堡三女某學諭二子崇彥尚彥俱文科三
女某壘亦進士繼伯子後以公門人前承旨金應祖
狀走京師謁余銘余於伯子爲同年進士詎不可辭
遂爲銘曰

死在我不死在賊公生亦得仕在人不在在我公退
則可莫樂田園爰有嘉穀宜爾初服溱溱家室子孫
多孝惟以世報

進士蔡公墓碣銘并序

平康蔡公忠行行之與余同己酉進士居泮宮又與同舍竊憫公爲人簡靖潔脩金剛而玉潤終日靜穆不妄言笑不可以親踈蓋國都三門外舊多名士其人嘗推引後來俊秀別爲標榜公甫弱冠預焉其爲士林重如此家居孝友盡倫杜門自守不事交游微逐就通津薄庄力田以供母萬曆丁巳病卒得年厘三十有八葬揚州禿音江上媿順興安氏縣令士說文賢明甚得婦道後公十年沒而柎焉蔡氏存新羅有百年千年萬年仍祖子孫爲國相由俗質故三世

襲名云麗代平章事公十三代歷主簿子泮護軍仲卿至執義蘭泉應教慶先是爲公四代妣曰驪興閔氏惟蔡氏世著休聞執義守道善類是宗應教侃侃颺聲臺閣方亨而閔位不稱德以公純明積行不克食其報以大天道何昧昧也然公有子裕後爰始爰蒞蔚爲名臣見任大司憲兩館大學士累贈公至資憲大夫吏曹判書嗚呼涓涓若絕有源必達炎炎若滅有燄必發天子蔡氏之祚爵盈施報有徵不爽公二子長公卽太學士季振後縣監一女適持平南重縣監二子曰進士時龜長公子之文曰

時祥二女適洪宇熙權珉銘曰

彼窶人子暴得以喪此惟多積受報必償温温蔡公
世德是似不庸其有貽以孝子司文秉愚焜耀在廷
同視其廟 贈秩崇崇有坎于丘漢流在旁其源不
竭奕世彌長

司諫院正言李公墓碣銘

並序

靖陵之中年已卯國家久安 上銳意圖理未以臻
六獻時則靜庵趙先生感激遭遇用禮樂贊化釐政
以為國莫先得人首設薦科羅賢別後其人咸興行
奮庸凜凜擢用及北門禍發君誓併命則薦科與其

人俱廢矣乙巳薦科復其人亦參叙仕列于朝惟正
言李公諱阜清脩苦節為一世所推始與靜庵公志
合道契專講劇不輟由薦科騎青即拜正言一日忽
移病歸湖西鎮川靜庵公追至漢上至責以君臣義
分公慨然歎曰鬼蜮傍伺薰齋同器吾寧溪渙各耕
以全吾身命遂去不顧其冬尊作公獨超然於網罟
後雖蒙 恩叙強起一謝屢徵竟不就沉幾高蹈派
其跡以没殆不愧申屠蟠矣公在腹而父亡鞠于外
氏自能言已通小學浸漸六經及長成大儒王父崔
公允恭勸令從經生學公不欲科曰成名辭曰不肯

孤露苟出身世路將母奈何既喪母自傷生不識親
顏為服衰六期溢粥血立世以方高于羔矣至老家
居廬君從遠過公赴明經試公訝其不甚通熟正謂
廬君空疎知是何得僥冒科名廬君赧然辭還及其
食以肉羹進公蔬食饋客公亦不問視茅季偉為益
真矣公字子陵號杏院貫固城其先文貞公出號杏
村妙稽法爵鐵城府院君子文敬公岡孫左議政原
仍世為名臣代襲管紳逮公考諱嶽早世不耀公莽
在鎮之某山某原嗚呼薦科諸公彬彬一時名德俯
仰百年其名位山處屢有知者今公之女孫健規為

不刊計諸余文紀其最勝處幾有後世然曰

有表其間有記其鄉有世其長其長不亡其長不亡

宗室雲城君墓碣銘

國家厚宗戚做制以朝極之四世而止其人既無造
更用或樂放縱通輕快為非義諸王孫惟雲城君號
翩翩佳公子公幼秀美挺拔其而愈譽落落歎倫宗
西湖勝地客至必命酒歡洽謂奉以取適時呼鷹網
魚必以手牽里季鳥起衆而退然如怯夫善騎射人
亦無知者至名義所激不擇夷險云敏求晚居湖上
承及見公子所聞鄉長老記得如此而尤以孝誼稱

光陵有文丁曰德源君諱曙策史難勳卒諡昭
簡公是生諱澗 贈箕城君正是生諱積 贈明川
君其 贈以公貴也明川妻學生車公載女嘉靖丙
寅生公諱樞男字伯遠早孤哀慕若成人事祖母及
母兩夫人生死盡其禮十五初授雲城監及壬辰亂
作兵鋒日薄公奮願屬中庭麾下積尸報國 宣廟
感其忠進為正階加賜履身日力未至軍機川之
師潰 與勇西播公區勇星行入關止訪母就頓於
窮絕處卽泣歸太夫人別楚山整問道者 行在以
不克死行聞家不取遺孀守實三王嘗乞救前 命

不許窮德家探問之有使公文請臺請行穿賊致
海寇立 欽命丁謂使金千鈺起持慟哭聞為噴
涕倡義公將請於朝香公奉軍謀公念太夫人隔閡
久號泣辭行遂奉寧龍灣發奉太夫人海西危 大
獲旋奉京邑特八路新刻於兵公私饒困公謂受爵
茂效分嘗罷先止受六品月一 說而臺論收澄職稍
食同輩一懸服乙未 親臨殿射居首後都正丁酉
南辭拜聳朝廷棟武藝宗室充宣傳官公拜命得
中殿遂安郡首尾三年國事益安史始錄從 駕勞
世正義大天雲城君兼五衛副摠管議者以公積勞

東明集卷之八 文獻卷之八 三十一

奏勳力宜正勳庸公謝曰人臣義分何敢貪天以自
功壬子寧天人妻世越十年壬戌將改塋于京山在
長連庄舍八月暴疾卒計聞勅沿路護喪官充喪需
以葬墓在揚州立石夫人洪氏處士勳女無子以甲
申歲幼樹葬公右如公妻禽于崔舉一子一女于食
知中樞府事宜重生二男二女俱幼文適庠生柳晉
昌生一子浩武科西湖人又言 宣廟末年 壬子
臨海君積甚二百與韓崇業射者游公雅號雲揚兼有
名亭臨海託以陪觀為相從樂飲公三隨其字臨海
怒絕去及真宗崇多建福光帝 丹后西宮近

臣怵權壬指普請削 尊號公避不預其列公沒之
明年癸亥 仁考改玉令禮官特祭所以褒寵之甚
渥夫為國家出身抗難將母扞 君內外若一又能
違患以智持正自靖可謂難矣宜重嗣事不怠脩治
兩世瑩域一諾先志重思代述靡微謁余文以為顯
刻垂示永遠其志悲夫銘曰
人百各心自私於己其操十金乃惜歟死卓矣雲城
豪資有揭遭時橫潰奮其聲節寧親衛國兩全其事
既忠既孝庶無悔愧非忠奚遂非孝奚從劉辭在石
以告諸宗

司憲府監察李公墓碣銘

才序

吾宗兄司憲府監察李公雲根字士昂初 奉定大
王有支子曰敬寧君諱祺謚齊簡公至曾孫河東君
諱裕有七子其四擢文科第二曰成均館典籍諱希
良生司僕僉正諱重光娶昌原黃氏嘉靖壬戌生公
業儒不成名棄去以廕補敦寧參奉例陞內膳奉事
司饗直長漢城參軍由監察知蕘岐縣久之叙 世
子翊衛司衛率出爲瑞興縣監辛酉春病免歸牛峯
庄舍竟以其年二月卒返葬揚州甕岩里河東公兆
次後三十六年丙申其子監役耆英治碣石樹諸墓

道之陽公資謹厚寡笑言頎然長身一見知其爲長
者寧受人百欺而未嘗肯置畦畛誤械防以接人家
素貧奉先世宗事必誠必慎賙給黨親喪故殷勤甚
備前後典二邑吏民安之媿延安宋氏治家承祀充
體公意內外若一以己丑歲歿而柩焉二子司果耆
壽及監役君四女適佐郎閔昉推縣監鄭鍵察訪鄭
思賢士人秦有秦司果一子曰省三監役二子曰益
三與三司果五女監役一女俱歸士族中表皆有子
姓銘曰

冲故可受約而非陋惟斂不發以貽厥後河東之域

甚宜壤土孝孫承祔尚寧永固

刑曹生即鄭公墓碣銘

并序

余早涉世路喜從先輩長者游不復問三歲幾何其
人亦輒而肯與之交甚相樂也時則鄭公時若長余
二十歲己巳生數驩然要顧必置酒款洽盡日然後
去為人資豈弟設誠以接物好善不勸意有所嚮必
削畦畛披寫同其去就無厭往辛酉歲公承敬差出
海西偶值故所丐余戲作荷觴篇興寄可詠公覽之
慙曰吾老矣更能幾時惜東國地福風流述作當湮
沉消歇不能逃衣帶水假置此詩麗情等編今後世

知有鄭揚亦足矣曰相與飲噉_五今追思眇芒公竟
以是年秋遘疾卒壽五十三葬揚州豐壤其原眉爰
公草溪人麗代上柱國光儒侯倍傑爲鼻祖入本朝
判漢城府事胡僖公躍工曹叅判賡知中樞府事務
祖孫繼丹勳有名生牧使諱允慎生府使諱銓生察
訪諱熙年生掌令諱惟精寔爲公祀妣全州李氏公
生而端敏早承家學中己丑進士進塗甚夷旣乃契
濶兵喪廢不應舉始調金吾卽察訪葵樹叅軍京兆
府前後主司僕廣興軍資簿司憲府監察再爲卽秋
官典木川果川二邑邑人慕愛用積仕勞卒 贈吏

曹參議時交游方盛多當世名勝惜其命不偶作誄
以哀之守夢鄭公擘為再從作詩悼痛公媿新昌孟
氏故相思誠之後公在淑慎有聞逮公喪疏食素服
十七年如一日切拊葬取族侄元詹為嗣今義禁府
都事有五男提拊授採其一幼二女適李梧賓柳命
全元詹既營脩窆安無憾已又治石劄辭觀以垂詔
來葉嗚呼孰謂公無子銘曰
有守有敵有職有績獨無年命沉淪冥莫維封旣司
維石載熒後事罔缺是為有子

石曹正印申公墓碣銘

并序

申君尚哲明叔與余幼同志相狎也少長同舉西
進士又相愛也余外姑鄭氏即君姨母每同聚內舍
留飲以相歡也君世家京師至萬曆戊午盡室踰嶺
卜居尚之永順里余嘗使過其廬君挈斗酒大灘上
相與爲平生話竟夕越三年甲子余按嶺南節君以
前一年周太學薦入仕爲司圃別提漢城叅軍廣興
主簿刑曹佐印不復有川上樂意乃無繆旣還朝各
拘宦業出入又不能得如嚮時權適每相語以歎君
吏事精敏尤嫉奸欺操下如束濕薪丁卯 輿駕避
兵江都君以戶曹印獨留掌管鑰夜有盜梯墻入闔

府波逆欲走君召謂首吏若盜近公藏吾先斬若屬
因軒睡如常於是盜散吏服悉解運國計鉅萬初無
銖兩遺失長官舉公材令晝夜守行宮門非時調
度巨細倚君立辦朝廷欲試以剽劇除全州判官至
則律已清嚴申科條峻明會痛繩姦蠹其春監海倉
田稅有猾民挾氣力替輸民租稽逋為奸利君行法
不少貸其人構浮謗謂斗區加量甚之言地上為
下道臣及察薦使者按之無狀然竟免歸含笑謂君
少留意節當不虞懷博邪君曰非敢刻也惡吏之
玩法而官為縱捨也庚午叙白曹正郎數因次對分

別言利害甚晰上為傾聽納用尋外補得龔興縣
該部乞留久任壬申通判安東再佐大府其治如故
操未幾疾作及困楮賴整容謝六夫人負負不克終
養為大小孝顧語子嵩者善事大夫人遂物年四十
八葬聞慶梧里洞後以靖社原從勲贈左承旨君
行備志潔學優而命薄幼有至性九歲避寇醴泉山
中從羣兒拾芻粟獨不肯食曰祖母阻飢兒何安近
口將歸而獻洪大諫鎬時亦幼見之悚然蓋天植如
此十歲而孤事偏慈盡其深愛寡姑無歸奉養如大
夫人終其身君子以為難資勁正介立意所不可輒

落穆舍去無所顧歷官十稔當官砥厲未嘗肯分毫
濡益遇事專一意而行莫爲回撓君始受業鄭愚伏
之門自力進修手書小學論語以資日用時隨衆應
舉凱以爲親榮然生無膺仕死不免夭遺其老母弱
子抱恨泉壤何待以瞑日哉君平山人壯節公崇謙
爲鼻祖左議政文僖公槩生大司成自繩是生掌令
叔植爲高祖副司果應元副司果克孝 贈左承旨
汝吉其媿淑夫人韓氏寔爲二祖及考妣中氏自文
僖公枝派俱盛惟君家三世不振而始有君而卒無
命不可必與君娶鄒守李文莫女生四子嵩尚泰耆
已乎已乎奈何乎申君

贈議政府左贊成鄭公墓碣銘 并序

嗚呼 贈左贊成孝子東萊鄭公之墓往者 宣廟
朝已庚之際難言也冒儒名以文奸者首爲叛謀誅
時不幸搢紳立議論相傾軋已有年矣大猷起株累
四發識者憂其波及云右議政鄭公諱彥信用勲力

東坡集卷九 四十四
受知人主致位宰相至是以委官訊囚言者劾與逆
人同姓不宜幹獄公以人臣被惡言不可不明白上
疏自理非親厚狀既下理以公嘗有一紙書問訊謂
前疏欺罔竄南海明年庚寅奸人梁河梁千頃姜海
相繼以惡言聞 上治獄者據以請罪至廷杖安置
甲山公第二子贊成公慄自以代議政公草其疏絕
食嘔血以捐命議政公在旃棘中聞公沒痛恨亦卒
父子相為死世至今悲之後十年己亥 宣廟語及
議政公室臣申礪申黜始白見黜昧狀且言父子俱
究 上閔然改容命復議政公官爵贊成公先後用

二子判書世規觀察使世矩貫累 贈至今官冥冥
責報豈不可誣矣始公喪家惶恐薰葬江外白沙李
文忠公痛傷其冤為詩納諸壙有曰有口豈能言有
淚不敢哭撫梳畏人窺吞聲潛飲泣誰將快剪刀痛
割吾心曲一孤旣長始克備禮遷厝適三紀矣其詩
紙墨如新觀者皆垂淚涕泣墓在長湍屯池川鄭氏
自高麗左僕射穆世簪纓有諱可宗禮曹判書諱守
弘大司憲其後諱傑洪州判官諱洪孫都檢經歷諱
振禮曹佐卽三代 贈大官積厚齋羸是生議政公
娶平山中氏司直諱禮之女以嘉靖癸亥生公少清

東川集卷九 四十五
弱父母禁不令勤學能自力成業嘗發解高等事親
孝怡愉以承於兄弟睦友盡倫通衣食無間簡重自
將羣居而甚莊却掃一室不喜徵逐然人方困厄時
周濟如解渴閱其友居貧親供養不備常絕甘以奉
其人感泣幼鞠養從祖姑歸其貲產公輒辭不受議
政公判本兵公方營西湖亭舍材既具中輟不就其
高見遠嫌如此公受畀甚豐處家爲良子弟出當擅
譽國器而道罹家難併命於讒柄非天也人也雖然
滄滌幽枉乃在周星之內雨露旣洽泉途破節孰謂
壘壘兩孤兒崎嶇樹立迭爲家國重崇封備享子孫

成列又將堅石刻辭昭示無極嗟非人也其天也
媿原州元氏左贊成繼儉之孫學牛虎俊其考也慈
和婉嫻早闡禮教上下順適甚且家室既稱未亡人
迫不欲自全哭泣毀顏遂致眼昏其閨門積義之源
觀於判書兄弟可知已臨財得失濡益介潔不私念
弟姪孤貧析產比已加厚初議政公遺戒全州先業
悉以爲判書兄弟比判書兄弟少壯登朝夫人曰二
兒幸得免飢寒矣舉以分諸房宗黨咸服其義萬曆
辛酉壽五十六卒柩葬判書生二子倍徇倍縣監六
女適崔城進士尹義義李碩葵李國均校理申混進

士李殷鎮觀察使生子判官何友通府尹閔熙曾孫
男女蕃庶不載銘曰

唯天勝人不疾而遲遲霹在前雨露後施嗟嗟鄭公
以生殉孝豈無其贏種德食報崑岡旣斃玉乃鏤彩
人亦爲善勿之悔忘陰崇之丘慶鍾攸酢謂不我信
請覩斯石

咸鏡道都事申君墓碣銘

卷序

上世人有善惡矣其所受禍福不一矣中世有不然
者人始疑矣逮世下衰爲不善輒得志處貴位終以
壽死是遵何德哉其清和祥順才美出於性見以爲

賢人君子者率疇窮挫闕抑塞以沒地天曷故也若
申君季良古所謂善人宜受福者獨遭叔世動不適
時卒無梁天枉將奚恃以爲善季良名最臭祖太師
崇謙翊麗祖開運竟殉節比紀信 賜籍平山仍代
襲絳紱至高祖諱瑛右叅贊謚夷簡公曾祖諱承緒
都事 贈領議政大父諱欽領議政謚文貞公與享
仁考廟庭世稱象村先生考諱翊聖尚 穆陵文貞
淑翁主爵東陽尉號樂全連世用文章致盛名君儲
休趾美生有異質幼秀茂若成人於爲文天得獨至
締構組織取裁於秦漢時出入盛明諸家必有法度

可觀而元善為楚人語幾從神化中出來聲由是藉
藉起年十七乙亥舉進士第三名戊子 庭試文科
初隸承文院俄薦史局錄玉堂歷說書疏論新政先
務 上命節要以進由博士拜檢閱 上嘗夜對從
容論程氏心學圖左右卒莫能對君前指陳剖析無
滯義 上稱善錫爵居史職三年屢罷屢復遷注書
陸奉教而其各家難作 遂無意於世盡室就元壠
治墓田資活兼為經紀寡嫂久乃叙典籍癸巳監狼
川務邑前廢十年百弊蝟滋君力欲張設出草而事
有不能得如意解印而歸丙申又出為咸鏡都事君

與世抹撥斤斤不可窮峽關山再罹斥逐水土撼頓
暗錄真元及還感疾踰冬轉劇以戊戌正月功奠廣
州汝阜村文貞墓直其右君有絕人之資超世之見
流離棄擲百不一試嗚呼惜哉君自以家代業儒素
積行稱善以貽來葉而非意受禍叔氏進士公亦漂
寓嶺海抱恨泉壤居恒忽忽感憤往往被酒絮泣雅
薄生趣終以不淑天所篤材若是戾矣君夙承家學
湛潛於理窟十九作童觀內外篇以明數繼而作十
一原以辨志作禮家附說以考證稽疑其說累數萬
淹通融會無所遺恨其他九流七略以及律曆卜筮

岐黃家言靡不貫穿此見其全也既屏居閑處別自
號爲春沼刻意攻詩以冲和瞻舉之才發其沉鬱幽
寂之思嘗曰吾棄於時無以自見當世使吾益肆力
於詩以自適其適陶冶造境何預人事況埋石岭俟
知數千年後致亦足樂也今其詩文若干卷將傳示
永久則君所自言殆其庶乎君娶青松沈氏校理熙
世女生二男七女進士儀華範華儀華有子女各一
女長適正字權斗樞有三子二女次適韓百箕金魚
權頓俱有一女余尚記丁卯歲貞淑主卒君方九歲
哭擗拜吊容無違禮余憐之至今君旣壯而余老七

十惟朝暮窈窕之事嘗托君以不朽孰謂生死壽夭
乃不齊知是所托於君者反以託我也噫銘曰
寬樂孝友克有才美天受者全旣擠旣躓而卒天闕
天奪胡偏唯有令名穹壤不滅以慰下泉

宗簿寺正兼春秋館編修官朴公墓碣銘

并序

君諱遠字馨叔先我得四圍以生性真淳厚長其接
人不設町畦裘襮若一同伯氏癸卯進士而與余交
特深每相就無多語言引杯勺驩然融洽竟夕乃去
君吾莅湖邑余輒過之戊午於平澤出其妾以見我
丁卯溫陽時余入拜君內後十年丙子君解鐵原印

歸京師病卒年五十八以其年八月葬時余蒙使館
西去同日出城以詩哭之曰俱為出城客獨愴未歸
人其交際死生終始如此云既二十二年戊戌始克
銜哀瀝涕刻銘于墓南之石曰惟於氏肇跡鷄林有
柯有葉三姓旣隕降籍密陽綿麗遠鮮厥世罔墜有
司純諱億岭生縣令諱春蘭生縣監諱貞秀生監察
諱孝悌寔為皇高祖以下四代順興安氏尊道之女
為君顯妣於以東宮洗馬入仕遷漢城參軍主太僕
簿卽二曹歷戶曹卽監平澤縣俄擢第乙科及二
親在堂其遭內外制已踰彊壯所以衰疏致毀有聞

於人由禮曹正卽守溫陽入為司藥濟用尚衣宗簿
寺正春秋館編修官出知鐵原府以終其所位遇可
謂薄矣馨叔羨秀而文印雅有遠致指使僕隸未嘗
加以聲色處脩流居官府未嘗皺眉對人在卽署連
時政昏斂跡自守未嘗涉要路官稍陞時號通泰士
咸磨勵求聞彼揚揚入臺閣拾紫紆青者揣才量德
孰先馨叔然獨嘿嘿沉百僚底未嘗干人知己其知
者又無形勢可藉而汲引者斯亦命也墓在湖南之
錦山其山進樂其洞樂韶淑人李氏附淑人 恭靖
大王後右尹瑗之女婦德純備生二男一女男長察

訪敏行文粹行文適寢卽李滋敏行五男其二女其
粹行一男其二女其李滋四男其三女其君側室四
男其中表子孫甚衆古所云厚積膏庸其發必豐也
夫銘曰
肫肫其容訥訥其言其行循循其氣溫溫去飾與貌
實全其天不莖以崇胡負於人振振孫子旣庶且令
鴻壽厥慶豈其公卿

司諫院司諫李公墓碣銘并序

夫士德行足以善世才敏足以暮事加以學問進脩
亦惟曰庶乎然常患阨於命未究其用者司諫李君

道長者世所稱國器半塗而稅豈不惜哉始君生有
奇氣擬穎殊特甫出晬能識字強記稍長儁爽卓越
通方無滯礙性孝悌承父母處昆弟倫類咸得其宜
蓋寒岡鄭先生講道泗上君尚幼挾筴往謁先生悅
其聰悟留置左右日有開益登庚午科初隸承文院
察訪沙斤道驛獎以蘇甲戌拜注書而叅判公歿守
制致毀旣免喪丙子冬 上避兵南漢艱難中庶務
叢委君在 上前占辭疾書敏速瞻舉時替夫朝家
大事大臣屬日事之改檢閱戊寅由奉教陞典籍騎
曹卽持平修撰正言自是荐更三司言臺諫論金尚

憲責配遠惡過當及爲銓卽見長官用舍有形跡遂
引疾去於人每欲周全不以冰炭置懷方受圍時屬
急索卮和者柄臣用人言召君書八人名君爭不肯
卒就趙贊洪瑒李時措申恂俞提五人死李一相以
忽遷失不扈 駕獲罪竄君分別爲 上言乃得釋
嶺南士有林浮議倡言出兵以應虜請非害義者時
相入其說君駭言其邪 上察君正直行治不苟深
加 睿注嘗謁告歸者 特賜御藥其因病直廬爲
遣內醫診治中貴人撫問不絕先是自下僚無得此
者生微法當免 上又曲賞之己卯乞縣得陝川聽

斷嚴明猾民無敢出聲一日內集閣急報調卽卒西
赴虜期君泣白太夫人國事至此不肖卽今日死願
大人勿以爲戚屢徵以待從中途輒還上書陳得失
懷懷以建皇極立大志爲言除應教司諫亦不起竟
死卽甲申冬年四十二稔嗚呼世末矣憂虞溢日得
公輩數人落落置朝列豈碌碌者比哉此所爲世道
惜也君字泰始廣州人遁村先生集用道學名連四
代顯聞五傳至承仕卽諱摯娶于南始居星州曾祖
諱遵慶相諱熙復 贈左承旨考諱潤兩師寒岡先
生踐幸貫卒工曹叅議 贈吏曹叅判妣仁川蔡氏

生負應麟女始承旨公有弟僉正光復生主簿榮雨
 無嗣取君為後君聘安東金氏考判中樞特讓生四
 男四女男長元復侍講院文學次元棟魁生負翊衛
 司侍直次元禮元祉次適某某銘曰
 進而當朝杰筮有立退安家食不疚不殆既獲我守
 我志不怨庶幾令譽豈必永年彌爾後祿載受其贏
 是有是似以鴻厥慶

東州先生文集卷之九

東州先生文集卷之十

行副護軍高公墓碣銘并序

諱仁繼字善承高氏二望其一出耽羅為高乙那
 之後一出高勾驪為朱蒙之後入中國者最益勾驪
 亡子孫散處域內或顯或微公開城人勝國未版圖
 判書瑛生七原官藝文直批學距公六代 贈通政
 大夫諱壽迺承義副尉諱克儉主簿諱胤宗展力副
 尉諱慶雲為高曾祖考母安東金氏以嘉靖甲子生
 公伯父高城郡守 贈都承旨諱興雲無子子之能
 勵志雋學聲聞越鄉壬辰亂奉所後母朴氏奔竄乞

丐供菽水無乏念母金氏時離悲慕不置踰時而會
喜而後可知也既而兩母繼歿時兵荒赤立人罕能
自盡公哀追竭履情感行路邑大夫爲出力助葬公
負藝能屢舉屢屈乙巳始得進士翌年明經擢第出
成均學諭轉博士典籍方奸臣操權立私黨欲致公
出其門公義不可斥巡曙察訪因擠以事逮金吾旣
釋息意游宦南歸爲終老計至癸亥叙典籍刑曹佐
郎陞正郎志清都事禮安縣監自免去拜工曹正郎
司藝皆不起乙酉朝家與優老加階通政龍驤衛副
護軍越三年丁亥年八十四卒葬尚州松內夫人仁

川蔡氏別葬金龍山舉二子用楫用兩女適全命龍
文科郡守次適洪暉用楫二子其用兩二子其女嫁
進士李英甲公恬穆安和絕去嫺飾不逐逐與物俱
往於外務無所措意唯性耽詞律矢口成章亦不喜
矜語專務理勝蓋少時承旨公誨公雖道路行役必
有程課間輒和古人篇什至華皓不輟然沈潛下位
世無能知者獨愚伏鄭公深加闕惜有詩曰世上豈
無千里馬人間難得九方臯此可以表見後時也銘
曰

合乎天而乖於人美怨奚桐闕其進而侈於年匪畜

東州集 文集卷十
伊豐家居朝爵生善沒令我銘于丘邦人所敬

贈兵曹參判崔公墓碣銘并序

公諱翕字和夫崔氏出全州麗代上將軍純魯完山君文貞公宰有聞于時八傳至參奉洪胤娶文化柳氏嘉靖壬子生公性純慤肫謹飭獨弛置自放無進取意壬辰亂避兵木樂山抗賊以殞葬果州冠岳之麓其媿黃氏前卒後附于長復立進士教官仲復揚舉武科宣傳官季復明亦武科長連縣監用從勲贈公兵曹參判女適具密嗟乎公產名門生不能發跡成示死又不以其命天焉故也銘曰

是惟崔公爰天禘黃萬世之宮願勿毀傷

宣傳官崔公墓碣銘并序

自余幼始學中表崔公復揚同舍習爲詩甚歡既乃去業武中癸卯科拜宣傳官越三歲乙巳疾遽卒年二十八余送喪至江津扣棺而言曰起書生一朝投筆自奮豈不偉哉况於命飛不盡翰冥冥者固不可知如此彼孑然孩提者又何必耶一慟而訣抱今五十五年其孩提者名提守來索碣銘已老白首且言五男子俱壯所謂冥冥者爲可知矣公世系載其考參判公墓刻公媿李氏學諭春祥女附公葬銘曰

既受天損而又益之凡厥子孫勿怠克之

舅氏尚衣院正金沙金公墓碣銘

鷄圖既訖金世則定方慶守奮九容嗣闡胤宗用武
節度一軍有諱震紀爰暨大茂惟祖惟禰官未成業
公承其積履字五鄉魁顏骨度不矜不盈始齡十八
進士揚名迨其釋褐四紀以晚國學倉曹官卑身蹇
乃賁帥幕乃佐駟省儒師講藝太官是正亦長軍資
屏斥何供尚方之札香以暮從敷政于原小出六治
凡厥廡宇庠序缺廢更脩茨暨莫不完好農興于野
歌詠載道合紳海校耕耨有程環封四疆孔惠孔寧

民管其私謂公謂何吏有欺冒父管子家騰聲上徹
有光 賜帛有遺其愛有揭頌石南浮東鐵踵典二
邑循其故蹟淑問愈洽經三外庸日計則少百世之
思其杜其召遠公傾逝自遠將賻有事于京其人哭
路其歲癸酉年六十二塋于洞陰先兆之次醜鄭以
柎考相彥信一子昂之主負夙殞是又單傳與實脩
墓貞珉載勒曷不千古我瞻渭陽崇丘盤鬱陳詳舉
槩有雙誌碣維行有人或哲或否盍睹斯刻薄夫顏
厚

弘文館應教嚴公墓碣銘 并序

應教嚴公敬甫與余同自出而中折為近親又與余
同科甲實同所席公之落南也余奉使海上同處一
年益相習莫逆公歿今三紀余老未死公文婿留守
公以墓刻文見屬俛仰人代烏得不悲公諱惺自號
桐江嚴氏出寧越開祖有温同知揔制四傳於川縣
監諱誨死燕山朝後雪寃 贈參議為公高祖是生
諱用和 贈通禮生繕工副直諱曙 贈參議生平
市直長諱仁達 贈左參贊三世之 贈皆以公及
公弟同樞公悞所推思也參贊公娶青松沈氏司僕
僉正諱鎮其考也公以萬曆乙亥生清明閭悟秀出

儕流十一失恃哭泣如成人壬辰避寇岐內參贊公
及於兵鋒副直公繼亡公年十八同樞公又益少哀
遑竭履眉土以葬既乃自力學問藝業日就中壬子
司馬試其秋占文科初選承文院兼春坊說書癸丑
遷翰林時李爾瞻怵死囚構大獄以及 慈殿教無
賴子李偉卿等二十人上疏指斥 母后辭語至不
可聞公奮曰人理滅矣是非吾責耶遂集四館官為
一會以二十人者動搖 國母罪關綱常聲罪致罰
蓋故事凡儒生有非僻悖道摘其名勒停解舉乃學
校之罰也韓續男 譏柄以其子在二十人之列陳

東坡集卷十一
五
疏上許疏御而公方秉筆在左右因進言偉卿等悖
逆無天光海震怒始命連職翌日加罪削黜方虐焰
熏灼觸目機穽人咸救死于頸而公首犯鋒鋌觀者
為公危慄公不懾不夜屏居西湖既而漂寓梁山混
跡澳釣者丁一年為 仁祖初元復入史局為奉教
儀陞叙典籍獎孤直也自是六年荐更正言修撰校
理獻納弼善司成應教輔德司諫諸司正職至有三
四尹者而六為執義公積官臺閣舉止詳華出入
經幄遭逢特達人望所屬其進未已而素患消中甚
劇竟以戊辰四月棄世嗚呼少績學晚始通籍中罹

網罟蹇飛塌翼既值世清通又患年命脆促其得之
天若人可謂蓋矣配南原梁氏僉知思行文公葬在
於川東秀里以梁夫人柩無子有二女長適柳滄卽
留守公季鄭植弼善留守子以泰以謙進士以外以
井文嫁姜萬頤正字朴純進士沈栢鄭來祥弼善子
奉教重徽重昌重遠女嫁生負任相元李善徵公有
側室子進士願者生二子繪絳銘曰
暄暄昏衢金帟職競網絕網張側足蹈穽嚴公秉筆
乃奮其節鳴鼓折奸群兇咋舌道誦志信我行罔貽
亦遭其亨亦振其鬢豈無顯仕遠駕中摧清名今問

幽壤不羈於陽之山東秀之里銘詩在石載揚厥燬

處士東岡許公墓碣銘 并序

惟許氏表陽川文敬文正世載烈聞堊堂承之顯顯
名位傳序四五有聯有滌官庠昨隆 贈俱銓亞實
生諱擘嶺南觀察世號草堂先生是生吏曹判書諱
箴聘宜春南氏節度使彥純女萬曆乙酉生君君諱
室字惟善東岡其號也襲庭訓純明無瑕玷判書公
晚得末疾起居必以人君積歲將保服勤左右判書
公安之初判書公有二弟仲典翰公言事忤當世斥
逐以死其季素爲人所賤歲庚戌其季爲考官而君

擢第脩郟者指以爲言削君以不特白沙相顧試上剗
直其克以身爲質白沙相一代名公言之人無不信
而此不能得以所中者深也君忘懷榮辱絕不赴舉
諸子旣長將呼 闕列寃狀君聞之驚惋亟走人收
回難操可賞也戊午坐家累配碧珍郡怡然順適神
守無變癸亥始出海卜居西湖之三浦拓易安堂治
垣庭潔修時名花嘉卉琴碁屏障莫不精整簾閣據
几翫然竟日愛客客無所擇性不能飲賓至必有酒
食罄其歡喜施予持器玩與人唯恐不受余於君少
四歲幼相狎長相慕莫逆君在島余三涉鯨波以相

見襟韻冲邁不以外患韞其內既俱華館觀相守以
死而余少善病君堅強不愆嘗意余風燭先及而使
君獨悲至己亥五月君屬疾竟不起痛哉槐全義李
氏與君合德治醴漿佐君為政十三歸于君先十五
年歿合葬在揚州青松有丈夫子八人曰岱曰進士
醫曰進士魯曰進士喬曰生曰島曰馨曰都事喬曰
進士醫三女適黃汝者李潤培參軍黃道光側室三
子三女長興善同知中樞餘幼中外裔孫幾滿百人
不羸其躬受報如幾許氏之祚將不可量也銘曰
世不我諧人或傷之我行不頗天必償之婉婉許君

人振以尅既終既殖于受天蓋八于百孫愈久愈繁
謂不我信闔視許門

冊陽郡守李公墓碣銘并序

不佞再從兄李公諱厚根字仲晦系出 太宗子敬
寧君諱栳僕年陽君諱植仙槎君諱承孫河東君諱
裕是生 贈左贊成諱希得歷顯位為 宣廟朝名
臣生諱亨光娶延安李氏隆慶壬申生公早失怙恃
養於贊成公以蔭補 齊陵寢即轉長興典牲奉事
宗簿直長司賻長興主簿出監任實縣入為司僕主
簿判官又出為永同縣監公長於臨民居歛各以治

東川集 卷十
行第一陸通政階居槐山加 賜表裡蒞陝川丹陽
皆有去後思性孝慈至大耄猶親祀事始宰邑責成
公或以八字曰憂國如家愛民如子公書其左方曰
無忝厥祖如是而已少有聰識一經耳目記誦不遺
論古今事得失纏纏滿聽時長于涕泗對酒酣訂間
以談笑尤善歌詠醉或曷聲抗慨響振林木客不能
去晚居忠州江上浦傲風月其高致可賞庚寅感微
疾卒葬原州江川法藏洞夫人延安宋氏附三子長
縣監者賢次者雄俱先公歿次監役者善二女適某
某側室子三人文五人銘曰

學學元兄先我十七年我以慈惠居世風流散談
微脫俗物既披郡教居安歸伏新阡事如堅石其
銘贊不泐永駐茫茫

公清道觀定使鄭公墓碣銘

湖西觀察使鄭公諱孝成於吾先君知入軍厚莫逆先
君簡穆罕交遊方鄭公居親喪三年哭不絕聲先君
月再三過歸則必泣然曰孝哉孝哉人誰無父母豈
公之先恭戴公諱陟起晉陽位脩文殿太學士傳子
承旨善謙謹孫博士諱舟臣曾孫 贈叅判諱元壽
兄弟遠公四世並以孝表閭而公歿後子若婦用表

烈受旋相繼禱楨楨比雖至性貴根天品亦家法體
飭豈籍所無云公守述初號休休于妣南原尹氏將
仁而正元女妻身九朔而參判公亡公既生尹夫人
未以告靈遂其夜夢先公索命名公幼而凝遠長果
皇士類陸已丑上庠除寢即不就朝廷舉才諸權履
德縣監咸與判官尹曾正酉至丁未守朔寧郡其冬
尹夫人下世公以每孝廢職事具三綱行實服闋歷
刑曹正印司僕金正監忠津縣及凡又借一年公竊
克朝道臣言狀司量取以佐經用特進秩通政戊午
拜臣前光海肅諸廢 母后公守克不預庭論特命

尹曾參判君以內翰觸忌轉放逐田野公守今六歲
危辱甚矣而無幾微發於言類乃聞光海遜位却金
涕泣曰舊君為奸兇所誤 聖上撥亂使舊君得終
天年實盛德事也公初出為忠州入參議地部丙寅
尹江華府其明年 上避兵江都公所以上下責意
周賒有格事之加嘉善階晉號留守戊辰由判夫事
改濟州越三年拜公清道觀察使陸嘉義又三年改
雜州乙亥秋參判君按圻輔善義人起公哀傷之痛
既不推丙子冬兵鋒內逼公遂 朝言入江都歷年
正月閭島敗而公亦平壽七十有八時烈痛瘡虛合

俱盡獨公所處室幸全茹默護者存身其孫善與素
爰就廣州先塋葬生亥原推兩子從勳等 贈至諡
政府左贊成公至行純篤世無異言奉先盡其誠敬
展廟不廢風雨人人所刻意自勵者在公不待勉而
至身歷典州藩臨下以嚴雖時嬉笑之言吏咸股慄
毫欺髮隱無敢萌意緝治奸盜有方略境落謫如然
潔守中法一介絕滯染人皆敬而慕之如居郡吏民
或不安其政及治成令行乃沛然信服必立解親德
應需制節者得費卽止不增而官心流溢永代者
用之不竭 治舉子素嗜少發解亦捨去不進取參

喜讀經傳小學朱子書行身動遵禮法酒戶甚洪至
數斗不亂嘗從親懿樂飲表裡軒豁嗟乎何可得也
公九再娶元媿白氏左尹惟儉之女無后繼妣南陽
洪氏郡守義弼之女婉嫺無違德公既事偏慈深愛
盡倫而夫人又佐公爲養世以尹夫人唯一子而有
二孝子之奉云舉二子一女長百昌兵曹參判次百
亨侍講院記善文適通禮金以鏡參判娶西平府院
君韓公浚謙女生二子一女長善興尚衣院正次善
弘女適府使金震標弼善娶判書李公時發女生文
適奉事權備通禮生三子禧祥祺善興二子幼其餘

子姓不盡載公有庶出于百崇百隆文適金斗漸銘

曰
鄭氏世孝其姓不繁公閔在腹迺續者天公侍其慈
婉婉其容公享于廟列鬯以供移忠事國有確其守
藩鉞州符揚先導後我瞻其門朱扁載嫩過者不式
爾穎有光

京畿觀察使玄谷鄭公墓碣銘

并序

玄谷鄭公諱百昌字德餘自其考同樞公於吾先君
文簡公文詔至深兩家于分好猶天倫云始修文館
大學士諱陟起晉陽宦中都子孫遂世居京師高祖

承旨諱誠謹曾祖博士諱舟臣仍父子以忠孝併命
事載國乘祖諱元麟參奉 贈吏曹參判同樞公諱
孝成娶南陽洪氏郡守義弼女萬曆戊子生公幼端
莊整飭詞執夙就未弱冠掉鞅場屋一歲中舉五科
升上舍至文科會試公卷在高等考官鄭公協不欲
公早擅華問故黜之辛亥釋褐登第初隸承文院薦
拜注書翰林秉筆在史館書法不隳奸黨已側目癸
丑禍紳宮禁光海令史官私考 神德王后故事以
勳 慈殿爾瞻尸史局欲悉錄芳願處置顛末將以
熏永昌公曰上命不至是也閣不官書爾瞻色沮公

卽移病出後廢 后論益急 西宮錮衆邪張公悲
憤激烈發於邑辭遂指以爲妖惡言坐削職退居揚
根大灘上闔戶自靖時清名之士咸中蠛射或不諧
於俗多寓處上游踈菴任君澤堂李公相與壺榼過
從跌宕文籍窺公者又標榜以三士構孽不已先是
西平韓公以 先王嘗欲令保護永昌與諸公目爲
七臣名在謫籍洪君茂績抗疏斥廢論醜絕島公旣
韓婚洪甥而至舉朝請決廢 母后同樞公又閉死
不參方議竄流毛摯者益以是磨礪待公公方哦詩
命酌泊如也及癸亥天地重開叙禮部卽移騎省知

製 教拜獻納公以西平公國舅子位不欲處顯列
朝議滋欲進用屢拜三司 賜湖堂讀書暇公旣出
則又欲激揚流品今朝序澄清前後舉劾官邪不備
剛禦乙丑春 世子加元服公由校理遷河善禮成
例當得賞資以懋故只陞太僕正兼輔德轉應教爲
執義有李佑者上變得勲封操形勢凌藉平人道路
重足公論竄遠地朝野稱慶存經應教執義及司諫
舍人司成丙寅美官論奉 帝命至國遠接使金公
產辟公從事幸人亟稱公儀度真翰林模稜其秋策
重試文科加通政曹兼承文院副提調仍 賜暇預

纂光治日記且以爲儲養地也歷刑曹參議以承旨
陪 慈殿避兵江都事之同列多以勞增秩公唯遷
吏官參議論者猶言其近嫌公辭不就 庭試文臣
公居第二受厩馬之 錫爲參議禮兵二曹由大司
諫復入銓席棘棘爭注選匪人忤長官罷尋拜副提
學又遷斤臺官世累爲所螫免乙亥授都承旨用
追崇祔廟息進嘉善刑兵二曹參判出觀察邦畿八
月行 國寢謁 光陵遇暴病卒先一月公忽謂我
日近卜地先發已是死事至是就以葬豈其徵歟嗚
呼公素無疾類之部滯人皆期以久壽而同樞公老

在堂曷爲而死也清資令儀秀出班行瑤鬚玉貌
映廊廟而奄忽一朝不但爲親愛惜寧不悲哉世降
矣苟遠私嫌自漢文不能無措意而人且曰是而修
其所好惡以把持之未究其材用倘亦有馮野王歎
邪然公之先以禮法承家自承旨公以下至行旌閭
者十人閨門制節異於它族故公嫉惡根於性非違
頗僻未嘗肯訾省雖以是時被敲撼亦不沮抗所與
交必當世名流上下揚扝一座盡傾滓賤者咸自引
起去嗟乎末俗貿貿方圓雜糅持風裁軌物善世願
安得如公者哉爲文章典重溫雅無疵語無累句一

東坡集卷之十一
不詭繩尺今其集行于世諒必有知言者矣公媿貞
夫人西原韓氏 仁烈王后之姊丁丑之變殉節江
都李公植誌其柩二子善與准職善弘業儒一女適
府使金震標銘曰

人三有綱曰忠與孝愛暨婦烈宅里是表翼翼鄭氏
十旌其門瞻言敬止况其子孫公治子家既屈既信
其信伊何羽儀朝紳駸駸尚驥夷奎未極猶有遺文
金石不泐廣陵之阡實惟世藏其下瘞璧營營埋光

進士李君墓碣銘并序

李君生寅字震卿以萬曆丙戌生高祖景明君諱忱

成宗大王曾祖安南君諱壽練祖諱元君諱備比
三世顯融至考諱世義夙隕終昌原守君早孤能刻
苦攻文辭學于車五山天輅登丙午進士清韶簡令
翩翩有逸氣善詞賦尤工駢偶體儕流咸自以不及
長我三歲同治筆研母成夫人叅判壽益女素賢明
婦人獨喜君與余交驩數設酒邀款流連彌日殆陶
毋湛氏之德也君嘗與我偕舉課製而君爲之冠應
明經試唯日相對豪飲俱不利其後余驟得科目而
君輒屈每屈名益起藉甚特李偉卿受權奸嗾締羣
不逞上疏請廢 毋后以君名高竄名疏中口語諱

然然君以其日會李景曾崔有淵諸公泛舟西湖識者皆寃其波及假令君獲睹清時頭巾者必當痛辨無他而君由是感憤先以丙辰夏病酒不起惜哉葬揚州松山其窆負良君娶故相金公貴榮女舉一子齊衡三文適承旨金振金廷說監役俞裴君旣抱盛才負嘉稱朝夕葑輟而百不一試天在百年天道終昧昧已乎今齊衡歷臺閣有聲以葑君遺羸生五子長曰端錫繼擢賢科爲承文正字次夏錫明錫和錫有錫并羨秀有文二女嫁李時晏崔斗瑞昧昧者亦昭昭矣始余居先妣憂而君亡成夫人哭曰嚮使李

修撰在酒席必能白吾子寃痛哉旣而曰李君在終不令吾子埋恨窮泉距君沒四十六年吾尚不死爲斯文刻諸石嗚呼銘曰
降材旣殊而闕其奎天意有無子孫振振嗣歿席珍其完勝人

洪川縣監尹君墓碣銘

并序

洪川縣監海平尹君敬之惟一以己亥二月下世其孤圻斤介治窳窳無憾以君內兄監司李公時萬狀其行其季女婿江都留守柳公滄堅石表其藏而其姊夫前叅判李敏求實爲文而刻之曰高麗世有左

僕射君正爲君鼻祖傳至。贈左贊成諱希琳生軍
資監正。贈領議政諱忭生領議政海原府院君文
靖公諱斗壽生工曹判書諱暉定爲君四世祖考代
著德業門戶冠絕一世妣貞夫人。英陵支子寧海
君塘之後司評者命文甚有相範萬曆丁辰生君余
以其歲聘判書公門君始生呱呱質秀氣清夙有儀
度胞胞謹飭言若不出口幼而無傲慢之戲長而有
和令之日推其愛於父母并及兄弟視余猶天倫焉
性耽靜適日娛侍二親左右服勤暇則塞兌葆真不
喜交遊不營生爲居產獨好圖書閱翫以寓興治舉

子業危得之亦無汲汲意迄無所成時國被兵。儲
君質于瀋陽公卿子與從而判書公以辛巳歲長水
部君曰家大人爲國任職子安得有其身二兄病我
當决往遂涕泣請行旣赴館我人與異俗雜處不能
無交涉生利害唯君落穆自守未嘗肯絲毫免其操
官寮與諸質子下至僕隸咸嚴重之除洗馬謝病留
五年春奔太夫人喪其八月判書公棄諸孤存罹巨
創幾至殞滅服闋舉訓局卽由禁府都事移平陵察
訪驛路以蘇乙未又自金吾出宰洪川縣縣巖邑也
土瘠氓稠君約已裕民闔境誦德無已君素羸善病

既歸而益甚至不可爲一日仲麟蹄君亡家人不卽以計聞君忽驚寤號哭曰得異夢甚悲仲氏亡矣遂臨化顧語于圻誠以脩身力學曰人有三樂我失其二寧復有生趣旣不能仰承先緒朝暮歸盡是余之命也夫遂不起痛哉君娶延日鄭氏奉判豈文閨懿早著先二十六年歿葬廣州福井里坐亥原至是卽同窆以窆有一子三文圻生三男一女長女適士人李昌鎮生二男一女次適府使金震標季適江都公生一男一文側室子女各一嗚呼君鍾慶德門胙胎漸漬羨質特行施無不可惜命隻不隅仕止於百里

天又奪其年獨使我頑疎苟全屬當秉筆神啟精昏不克舉其概爲負君矣銘曰

几厥盛族每患中替豈無令器遠駕近稅有羨尹君宜達而窒質之上蒼其緘如結環循復始猶賈必售我操其契永詔爾後

別坐韓公墓碣銘

并序

余幼則見別坐西原韓公日休蓋操約剛介人也字京逸郡守諱某之子世居懷德舉進士執徐兵亂鑿駕播龍灣人皆雉免竄命獨公杖劍數千里奔問行朝上下咸聚觀歎息拜掌苑別坐事之南歸惜之

東州集卷下
者苦留不可其晰於義分進退不苟如此處山野力
田以自養出入劑適不肯爲屑越費性廉儉惡華靡
子學正君表衣稍鮮輒命解去曰服飾奢侈心生安
用此爲卽家人無敢以服羨見約鄉長老立書院奉
鄉先生仍長其院訓誘後進有言及仕宦者則曰官
祿不可力致山房清煥是適我性臨江構月浦亭投
老道遙書其壁曰白頭無意待文王守志然也甲寅
歲移就墓曰尼父大聖猶七十三吾非不足是年
果卒葬清州雄洞醜坡平尹輪女生一子三女子峻
卽寔三君文適鄭燾縣監李泰吉叅奉柳大朋諸孫

震英命英得英後英士英爲學正出典翰李壽仁慎
光翊妻爲縣監出縣令金晉宗妻爲叅奉出余嘗聞
柳君言公朝起必計一日所食用籍而藏之其制度
謹節甚備古人有常課一日所行若不副所食輒終
日不怡公之意豈亦由是與嗟乎世之人食浮而實
淺耗蠹天壤間者亦少愧矣銘曰

白身 王觀始明其節稅駕林壑家食貞吉生願沒
寧卒保其令拱木之原行路所敬

水軍節度使嚴公墓碣銘并序

才院於時時屈於命遇不過在彼不在此自古蓋然

若節度使嚴公當官舉其才每聞職缺時諱必以屬
公然卒不能得三按海防以卒豈亦猶北平太守命
耶公諱愷字明甫寧越之嚴有同知檢制有溫上距
公七世其後於川縣監諱誨死燕山朝雪冤 贈叅
議左部將諱用和副正諱暨且長諱仁達寔爲公四
世祖考以公兄弟從勲推恩 贈部將公左通禮副
正公叅議直長公左叅贊死青松沈氏命正諱鎮之
女公幼失二親零丁長育以至成立羨秀英果少業
文有才氣中 忱慨投筆以趨捷聞登癸卯武科歷司
僕主簿南海縣令入爲都事兼備局印文筆贍

舉大臣以爲材出安東判官操潔政修受陸叙之
命時築城清涼山弊及一路公作歌調之道臣感其
意爲寢其役陸守咸安郡由檢印節制加里浦旂旗
舟艦精彩一新增秩折衝將軍 卽戊午歲也居二年
守昆陽郡坐事罷邑民走京師籲號特許還任擢授
嶺南左木使癸亥新政列鎮債帥俱得罪獨公以善
於職事瓜蒲不許除代公之居鎮適四年爲甲子秋
用督餉御史言以乾沒出入逮公下理 上命該部
考覈具得寃狀乃釋公治御史陷入之罪明年知平
山府府處孔道冠蓋織轍羨學士奉 詔往來公指

據接應民不知費出至丁卯西路猝被兵列郡瓦解
守宰咸竄身巖僻惟公死守境土跬步不移足擬運
府庫保護民物以及傍邑于文拯濟甚衆朝廷諒公
臨亂盡節特進嘉善階且以義州新中虜公私塗炭
須用才能臣撫寧凋弊命公尹其府至則敵兵滿
城中白骨盈野邑里虛無人收集流逋修繕城池廩
宇廩廩嚮蘇亮矣而爲餉臣所陷奪職從軍辛未叙
訓鍊院都正坡州牧使明年春授全羅左水使罷歸
守遂安靈巖二郡丁丑清人再逞湖南軍潰于安城
巡察使得弄鼠公亦以中軍革職己卯守平海郡解

任歸寓居盈德西溪地濱海土沃而境勝臨川築室
放意漁獵者立稔由訓鍊都正知春川府輕徭理獄
敦勸儒學行養老宴百爲具舉其人爲豎石紀德考
滿移忠清水使還朝同知中樞兼副摠管上擇材
武入參畫遂以備咨訪公方昵侍前帶而公之胤承
旨君在銀臺父子二人出入有焯壬辰上閱武西
郊問左右有能馳馬者乎公年七十三卽據鞍騁若
少壯觀者駕肩而吐舌上錫以廐馬其秋拜永興
府使治如其故翌年癸巳感疾卒官歸葬於川東秀
里先兆用承旨君從勲贈公兵曹判書公自力起

東州集 卷之十 二
家屢典大邑撝方鎮家業不長尺才居無長物與伯
應教公少長篤愛依依不忍相捨資警穎脫俗操觚
遣辭才致可尚喜從文士遊劇飲輸寫其覓盞流萱
附炎熱爲生活者不欲正視以是得簡倨聲亦不恤
也元配光州李氏世簪纓祖觀察使諱仲虎考應教
諱洁早服文訓兼通經史而不令人知柔嘉婉嫕修
整閨門相儀之羨爲世所歆生戊寅卒丁卯與公同
塋葬二男長宇亮次大鼎耆卽永旨君無子以族子
績爲後繼配全州李氏忠義補好學女亦有婦德一
男進士震耆早歿二女適丁時澤進士南弼星庚亥

適鄭興周銘曰

嚴奮于寧代序官閥公投其筆卓厲爰發煌煌旋管
伏波下瀨北門雄州實惟豐沛生膺服命沒不隕名
亦旣有子適列蜚英孝思蒸蒸窈窕于治昌辭顯刻
永世罔墮

尚衣院正鄭君墓碣銘 并序

晉陽鄭君善興字慶遠自其先恭戴公世系至其祖
觀察使諱孝成考參判諱百昌赫世忠孝大節暨旣
西原韓氏蹈烈事蹟具載參判公碣文君學華有風
禦豪爽邁往不拘齷齪常調至爲狹邪行放蕩自放

長乃折節與士林交重氣義已然諾專赴人之急人
皆愛慕忻忻凡有疾病患難必曰唯慶遠能濟我標
致秀朗旁蔭數人眈然若丹霞之朝舉也丁丑之亂
入江都觀察公病亡韓夫人及君婦權氏君妹金氏
婦君姑呂氏夫人與君季父弼善公俱殉義烈君獨
立波血中舉諸喪挈幼弟以出方甲騎如林貫穿不
顧群胡為相視分路將護以過海韓夫人卽 仁烈
王后弟君以 土室密戚無冒絲毫憑賴以求濡益
獨前後 國憂躬親大事自斂殯以往罔不周盡
四殿亟加存藉初為繕工監役轉金吾卽治獄有勞

擢授尚衣院正當官舉職譚者庶幾其小大位處而
為之者皆老矣余悅於君且引所贈遺物不用久之
臣亦材君者其以爲兩符而竹字者何三三深乎奉
奉王宗相繼微視之言况如君職官無不敬人而朝
人者而君選換積者君也謹藏以零碎盡物一轉而
爲可用備餘金數千積存數百人不足施諸有跡管
下大小初備君威名永收慈惠毛罪久而則於諸軍
服君信義至日待公爲大將豈敢惜死乎世齊慶
所無難到君德四世莫忘日夜不忘新工卒二而
君已三三三三三月廿八日癸亥年四月十一日自着慶遠

東... 卷... 三

上虞縣民道發大醫診治藥餌皆出內局及卒出衣
服者皆以同其喪 是紀甚厚及此其德也 聖恩
充塞六合數日而止借葬之心德祐至厚以親權氏
舍人洽之葬一墓不始効訓錄軍與江上船六三
遺亦哭行路亦泣涕泗而有賣是地而泣曰
賢人死如我胡為久若其感人如此不二十祖甲十
五世甲六歲昔公葬公若則公之德也公至深若居
恒待二人思禮曲傳鄭公長何君敏送無憾吾常依
依在念人石先此處念復也 有久活者為文刻墓此
美曹恭祖之勳也銘曰

有節有義宜遠宜用獨云奉命奈何爭

合昌君柳公墓銘

穆陵在御必妙簡禁藩以尚主其小保之士抑於
制不克展其庸惟素閣堂柳公諱之亮字子龍十四
過尚貞徵翁主錫流全昌君厚厚重宏智沈而慮周
其之廉而卽之澁敬列之楚天之塗班諸三事必有
其功可觀云蓋全州柳氏顯自是代至大司諫諱軒
季文曾未判諱世麟定為公高而生諱儀 贈領議
贈領議 贈領議 贈領議 贈領議
原君是聖命知全義李韓文八萬曆辛卯立

年十八戊申全陽公為奸壬李爾瞻所蜚逮壬子
三歲禍及泉壤家盡亦公初謫古阜築土室不關天
官流廢泣血目幾盲俄移配機張癸亥 反正即日
召還後晉加階崇德屢進至成祿大夫襲世勳封君
無都檢管提調七畧四宋使燕京如康健無疾晚患
疽蝕瘡閉積十三年癸卯四月捐館舍 九重痛盡
賜各村以殮中貴監護禮葬負微主先窆揚州道峯
山丁公之原三是舉公同穴公有至性敦行赴義如
渴材至信傳既無所養之敵為則家施於政制節與
度皆可為法立為教南小於原之居窮者月有恒廩

俱待以舉火以裴氏妹多子食貧賦田居產志欲祈
粒共饗迎致從姪孤女躬親容送其處家操履人以
為不可及貞徽主母仁嬪金氏癸巳生海州 行宮
幼有養質不待教成兼通書史自操家政動遵禮法
竭誠事舅姑荐丁家難隨全昌配所飽嘗艱之日親
刀几未嘗見歎缺至公移機張乃北還京學參判公
昆弟勉令就傳迄底成立及爾瞻誅奉姑夫人駐輿
臨視市里稱快下撫諸媵以及群庶普加恩意其制
行蒞湘無異庶族名家屬尊 中禁禮遇甚醜以回
歲癸巳卒 三殿震悼贈贈有加凡舉二男二女男

長淦曾參判公次滄郡守女長適進士李重揆次適
學諭鄭華齊參判六男以恭以謙以升以并以復以
節五女姜萬碩朴純沈耕鄭來祥一幼郡守二男以
震以鼎二女鄭洪閔一幼進士二男玄賞玄復學諭
三男度玄度弼一幼三女金文遠趙願壽韓宗運公
側出七子澹冷滄滌灑汲潭七女俱有行內外嫡庶
曾玄百有餘人公獨出高門嗣息蕃熾天之勝人
如此銘已

嫺飾為人顧已伊美汗衡辟脫浮名淺實疑疑惟公
中孚外之積行提躬危而不路孤生獨秀其發彌厚

于姓繁慶云與我受玉姬甫登
詠周詩百家錫行
變叢所遺道峯之汗源深壤沃哉播長言不愧千億

史書泰河品公長嗣益善

始吳氏起自同福在麗世鼻祖大聖焉縣中
四十八燈夜必禮天其後遂昌顯代襲高華累傳至
賢文閣大提學軼蓋以文學著于本議元經入本
朝生可仁登科早卒生元蒙生克權直長生世賢直
長 贈領議政於恭判公為四世妣昌寧成氏其考
恭奉近即大谷先生之伯夫人賢明夙懿先生青愛
之以隆慶庚申生公諱百齡字德耆幼祥順氣和而

靖祖直長公常曰此兒必大吾門十二丁外艱哭
如成人鄭右相之行曰是非常兒宜善將護稍長愈
恂恂謹飭出一語唯恐傷人在場屋有友人翻墨濡
汚公試紙觀者失色公夷然無變謂其人吾無可爲
焉爾代寫爾卷其人入慈服象村申公處隣席詢知
公名每舉以語人戊子中生進兩試壬辰乘船避兵
有劫盜舉刃擬議政公公將身翼蔽公室高夫人又
遮公體盜斂刃曰嘗孝子烈婦不祥一船人賴以全
濟甲午庭試釋褐選槐院入史局轉禮兵二曹即知
製教玉堂則修撰校理應教臺閣則立言獻納詩子

學今司諫執義者坊則司書弼善輔德政府則檢計
各人遷除去來不出是職 穆陵鼎成監護復土陞
秩通政回攻石不牢收賞資未幾由應教拜亦旨
太廟室建用都廳勞加嘉善階歷諸曹參判知京賀
千秋節旣還復禮曹爲癸丑年時事胡可言好壬繕
大獄殺永昌大君鐸 母后西宮戮國舅迺興公該
部議進喪服西宮公慮時論旁邊徃問首相漢陰公
漢陰公垂涕曰公所言扶植人紀今若據例上稟先
嘗祖擊後無可繼宜請收議大臣議旣行漢陰公以
亂言被逐公亦遭彈劾塞兌六年至戊午廢 母之

論夫休百僚庭議公曰唯在竭孝善處以安國家而已及朝臣顯請削號敗尊公堅卧不起繩以遠竄屏味城外又六年癸亥 仁祖初元拜都承旨大司諫大司憲吏禮曹參判大司成甲子扈 駕公明又進一級公己年至矣沉綿牀第以癸酉歲終葬台川先壙高夫人及繼配梁夫人俱異穴而近高夫人護里景龍女舉二子曰竣判中樞府曰端兩道觀察使梁夫人會知思行文亦舉二子曰玆夙殞曰蟻監役孫提斗縣監提相都事提漢佐即提柱文適李元揆進士李高相為判中樞出吏曹參判提一監司提垣大

司諫提緯正字提昌文適都事李象鼎麟坪大君進士李粹蕃柳以恭為觀察使出兩房生育世繁吳氏之世殆未可量也嗚呼公德修行備不愧屋漏言之人表裡如一事兄晚翠公愛敬俱至一味之甘未嘗獨御完平相每戒家人曰吳公待其兄盡道爾曹宜效之勿怠天監在下錫以祉福子孫羨秀異於他族冥冥哀蓋宜其然乎銘曰

吳奮于南世載厥徽豈無中蹇翼飛將起其起伊何伯叔競喪公為德首外內交養儀于邇僚音貳春卿昏衢長夜人紀以傾公行不迷三觸其鋒夔屈龍伸

逝會必庸夷塗未極旣老旣衰惟其積厚克登厥施
墓門峩峩有序有位子孫來拜于慶不置

刑曹判書長洲尹公墓碣銘并序

海平尹聘君諱暉字靜春自號長洲卒官正憲大夫
刑曹判書享年七十四始遠祖君正麗代位司空傳
密直事萬庇右議政英毅公願門下評理忠簡公之
彪贊成文平公珍入我朝四傳至掌苑諱繼丁卽
公高祖生諱希琳贈贊成是生諱竹軍資正贈
領議政是生諱斗壽位領議政爵海原府院君諱文
靖公文靖娶昌原黃氏參奉大用女有文夫子四人

俱以科甲致盛位公其第三也生隆慶辛未幼拔萃
白知讀書出語已成章先志期以遠到己丑舉進士
第二嘗游太學元斯文鐸請與之交謂儀度夙就不
可幾及云壬辰丁黃夫人憂甲午服闋擢庭試第二
名薦史局隸承文院移翰林轉刑兵二曹卽拜直講
正卽獻納文學掌令司成弼善諸司正職衣繡犒嶺
南軍此其立朝後踐履而前後出入清貫非一姑可
略也辛丑由輔德司諫授承政院同副承旨序陞至
左參議禮兵二曹乙巳出牧海州旣去其人豎石紀
德辛亥覲察湖南翌年按嶺南進嘉善階湖嶺舊號

繁劇薄糜雲委至則剖決無壅老吏吐舌癸丑權壬
構大獄波及汪蔓公亦坐削職戊午如京奏請辛酉
參判水曹移禮曹公所與交皆一時名流至是多罹
網罟公青跡朝端欲去而不能及癸亥 仁祖反正
言者掃蕩毫毛且以連昏時相竄長興俄徙牙山丁
卯西邊警急起廢黃晝使叶釐戎政筐篋靡漏歷左
尹知清州牧還參判刑戶曹副揔管兼管備局至丙
子變扈 駕入南漢受命屢入敵陳議和款 上顧
謂公卿智慮過人今王子大臣出可以釋難否又曰
不用卿言以至今日出城之後得復見卿耶嘗時危

急遇事 諮詢若不可一日無公者公對言及今和
與戰唯應早定且願 聖志堅之以圖新膽之效既
還都清使沓主持拜都承旨周旋應對動中機宜戊
寅超拜漢城判尹判刑曹知義禁府再奉使瀋陽素
爲清人所敬禮前後規請常多諧允甲申治逆獄有
勞陞正憲大夫用其年八月疾終于正寢葬長湍治
北某坐之原貞夫人李氏祔後以長督勉之從勳
贈議政府領議政兼官如真拜公字量凝重才局周
瞻言徐而色和不事矯飾芬華以爲死生禍福天也
豈以自外至者嬰吾中損吾真也雖屢遭譏謗未嘗

有坎窞之容在議堂凡所施設必據遠大之謨事非
卒行茲不及也家居未嘗廢書案上資治一卻披閱
無勸雖僕隸之賤不加以罵詈嶺南吏欲以微事嘗
公公故受之其吏又操偽券以進公笑謂何欺之數
也更入慙服他吏俱懼無敢以疑事從史古人所謂
有敵有爲庶幾無歎焉公少時鄭教官古玉悟解善
知人謂公當至卿宰恐爾時邦事貿亂不知以何術
得之也媿貞夫人 世宗子寧海君瑋之後司評諱
者命之女幼鞠于祖母全義李氏柔嘉整飭閨門內
終日無聲十三歸于公始操幣謁舅姑舅姑交相賀

妯娌間亦不事還往往使婢指甚多不事呵責事亦
修與育三男三女男長僉正勉之生男承文正字楷
二女適正言崔後胤正字申儀華次縣監建之生男
堤垣墀次縣監敬之生男圻三女適李昌鎮參議金
震標參判柳滄次長歸于我生男元揆進士重揆女
適沈馬申昇次歸監察朴守素生三男縉紹縉四女
適文科李周修揆鄭哲進士鄭壽俊趙斗震次歸朴
全度無后其餘曾玄繁衍甚多不盡載銘曰
尹發海平顯顯競爽載其懿德乃有文靖公承其燬
亦大厝開司寇金吾於赫不隕中更夷險晚乃遭際

南漢孤孺國步將殆訂謨宣力 聖主所毗鼎路當
亨普人之萎臨湍之丘曰惟世藏百代在後永垂鴻
慶

通政大夫刑曹參議李公墓碣銘 并序

吾里中有純德君子曰李公諱洙字子繇鄉黨一口
言其長者始讓寧大君諱提實 恭定大王元子讓
德不嗣為周恭伯於公上距為六代是生咸陽君諱
誦生湖山君諱鉉生鎮安副正諱永男生奉事諱希
年生齊陵參奉諱世良俱有封贈載家乘宛安東金
氏參判諱澍之女以萬曆癸酉生公未弱冠連占發

解中乙巳司馬壬子釋褐登第監康津縣癸亥入為
卽騎省出金羅都事還兵曹正卽由內贍正除沃川
郡守復拜濟用正轉奉常考滿陞通政階除寧越郡
守乙亥刑曹參議丙子以後退居沔川庄宅至庚辰
秋由刑曹守平昌郡以壬午六月考終于任所得年
七十公恂恂勤謹未嘗有疾言遽色平居靜穆不欲
見知於世與人交推其長厚無所差別隣里飲其和
時與弟姪評論古今人臧否及事利害後當如何洞
豁無滯然惘歎無華人無有窺其中者以是宦不通
達浮沉於下位可勝惜哉公槐坡平尹氏戶曹判書

諱自新女性質塞淵與公合德生一子大司憲景男羽
儀朝廷肩時重任拘於年今不大厥施有子進士培
文適持平閔宗道所生俱幼公之監康津不佞以朝
命視師至其縣都憲公方年十四文材已就出而俯
我酒轉躬之頃遽成人代之感今我獨不死桑榆末
景紀公窳窳良可慨也銘曰

人方爛飾橫騫旁馳失已尺璧所得毫釐懿懿維公
不矜不持我安其駟不憚于歧爵位豈多參佐以庫
名塗顯秩孰遏其機有子克家敬歷當時珠淪赤水
士林所悲任存之麓土厚穴深其丘畢如行路攸欽

洗馬申君墓碣陰銘并序

申君昇字仲悅自號春洲籍平山大父諱欽事 宣
仁二祖位上相考諱翊聖文章多藝能尚 穆陵女
錫號東陽尉君其第二子也博識弘致工書八法舉
癸酉進士除洗馬不起壬辰罹家難感其兄掇奇禍
棄世不事事廢舉子業時湛飲自放與人交有終始
善推占自爲死期竟以甲辰臘月卒得年五十五子
弼華生二子二女文適咸鏡道觀察使閔鼎重生一
女適李寅焯始余以文歸君旣余衰癯倚君以斂手
足俛仰人代先我奄忽使朝暮者爲文以表牲石此

何理也錄曰

不見數日愆焉以思千古長乘夫焉得不悲

東州文集卷之一終

